

敬躋堂經解

九

詩經廣註 大雅

敬齋堂經解

桐城徐璈輯錄

大雅

左傳吳公子札觀于周樂為之歌大雅曰廣哉熙熙乎

曲而有直體其文王之德乎

襄公二十九年

樂記師乙曰廣大而靜疏達而信者宜歌大雅

班固曰大雅言王公大人而德逮黎庶小雅譏已之得

失其流及上所言雖殊其合德一也

漢書藝文志嚴粲曰純乎雅之體

者為大近乎風之體者為小

服虔曰大雅陳文王之德武王之功自文王以下至梟

鷺是為正大雅正義引左傳注

文王之什 第二十三

正義引左傳注



文王 七章

魯穆叔曰文王兩君相見之樂也 左傳襄公四年

呂氏春秋曰周公作詩以繩文王之德 引詩見後古樂篇

翼奉曰周公作詩深戒成王 漢書本傳引詩殷之未喪師克配上帝

韋昭曰美文王有聖德天所輔祚其徵應符驗著見于

天乃天命非人也 晉語註

文王在上 其命維新

呂氏春秋曰周文王處岐諸侯去殷而翼周散宜生曰

殷可伐也文王弗許周公旦乃作詩云云 御覽五百六十六

文王陟降在帝左右

墨子曰若鬼神無有則文王既死彼豈能在帝之左右

哉 明鬼篇引詩

亶亶文王

王逸曰亶亶進貌

楚詞注

崔集注媿媿文王

詩攷

令聞不已

墨子令問不已

陳錫哉周

國語芮良夫曰夫王人者將導利而布之上下者也大

雅曰陳錫載周是不布利而懼難乎故能載周以至于

今左傳羊舌職曰陳錫載周能施也杜預注文王

布陳大利以賜天下故能載行周道福流子孫

宣公十五年昭

公十五年並同

韋昭曰陳布也錫賜也言文王布賜施利以載成周道

國語注 按載箋作戔傳仍  
載維也韋注周晉語並訓成

本支百世

王肅曰言文王之功德其大宗與支子百世相承正義

杜預曰言文王本枝俱茂滋百世也左傳莊公六年注

左傳本枝百世白帖同

凡周之士不顯亦世

魏書劉芳曰惟周之士不顯奕世士以上世位士皆世

祿也禮志顧炎武曰不顯不顯也汪中曰漢武祭

福奕皆作亦亦世卽奕世也

思皇多士生此王國

王充曰此言文王得賢者多而不肖者少也論衡藝增篇引詩

王肅曰言天思周德至盛故爲生眾士于此周國正義

顏師古曰皇美也

漢書注

王褒曰世必有聖智之君而後有賢明之臣故虎嘯

而風冽龍興而致雲蟋蟀俟秋吟蜉蝣出以陰詩曰

思皇多士生此王國故世平主聖俊乂將自至

文選講德

論

濟濟多士文王以寧

賈誼曰言輔翼賢王則身必安也

新書君道篇引詩

賈山曰天下未嘗亡士也文王獨言以寧者文王好仁

則仁興得士而敬之則士用

漢書本傳引詩

李尋曰馬不伏歷不可以趨道士不素養不可以重國

詩云云

漢書本傳

顏師古曰濟濟盛貌

漢書注



左傳楚令尹子重曰君弱羣臣不如先大夫師眾而

後可詩云云夫文王猶用眾况吾儕乎成公二年

王褒曰聖主必待賢臣而宏功業俊士亦俟明主以

顯其德是以聖主不偏窺望而視已明不單傾耳而

聽已聰遵游自然之勢恬淡無為之場休徵自至壽

考無疆詩云濟濟多士文王以寧蓋信乎其以寧也

文選一十五

商之孫子其麗不億

趙岐曰麗億數也言殷帝之子孫其數不但億萬人孟子

注

說文繫傳其麗不億徐鍇曰今詩借麗字

侯服于周



顏師古曰謂微子為宋公

漢書注

天命靡常

董仲舒曰言天之無常予無常奪也

春秋繁露二十五

段灼曰天下者蓋亦天下之天下非一人之天下也詩

云侯服于周天命靡常由此言之王非常人也有德則

天下歸之無德則天下叛之

晉書本傳

殷士膚敏裸將于京

趙岐曰殷之美士執裸暢之禮將事于京師若微子者

膚美敏達也

孟子注

劉德曰將行也京周京也

漢書劉向傳注

王肅曰殷士有美德其見時之疾早來服周助祭行灌

鬯之禮也

正義正

顏師古曰殷士殷之卿士漢書注

劉向曰孔子讀詩至于殷士膚敏裸將于京喟然嘆曰

大哉天命善不可不傳于子孫是以富貴無常不如是

則王公其何以戒懼民萌其何以勸勉蓋傷微子之事

周而痛殷之亡也漢書本傳 錢大昕曰假傳箋訓固于義未安釋詁假大也此云大哉天

命即詩假哉天命也

常服黼舄

班固曰言微子服殷之冠助祭于周也白虎通引詩

後漢書輿服志曰弁廣八寸長尺二寸前小後大繪其

上有收持弁所謂夏收殷舄也又注引蔡邕曰殷黑而微白前大後小以三十

六升漆布為之

釋文舄字林作緝

王之蓋臣

孫恂曰蓋敬也

廣韻引詩 敷按孟子曰君臣主敬

德矣

何楷曰蓋舊說多訓忠按方言蓋餘也義

同燼盡臣以目商孫子殷士乃勝國之餘燼也

無念爾祖聿修厥德

匡衡曰無念爾祖述修厥德孔子著之孝經之首章貴

至德之本也

漢書本傳

孔安國曰美文王之德也無念念也聿述也言當念其

先祖而述修其德也

孝經傳

劉良曰聿循修治也

文選晉紀論注

孝經亡念爾祖聿修其德

文選注言念爾祖

五臣本引

永言配命自求多福

趙岐曰長我周家之命配為善道皆內自求責故有多

福也 孟子注

杜預曰言求福由己非由人也 左傳桓公六年注

左傳鄭太子忽辭婚于齊曰人各有耦齊大非吾耦

也詩云自求多福在我而已大國何為 桓公六年

唐李藩疏曰自古聖達皆不禱祀詩云自求多福禍

福之來感應行事若苟為非道何福可求 唐書

殷之未喪師克配上帝宜鑒于殷駿命不易

翼奉曰臣聞三代之祖積德以王皆數百年而絕周至

成王有上賢之材因文武之業以周召為輔有司各敬

其事在位莫非正人天下甫二世耳然周公猶戒成王

以恐失天下其詩則曰云云 漢書本傳

禮記儀監于殷峻命不易 漢書翼奉傳引詩鑒亦作監



無遏爾躬

韓詩曰遏病也

正義曰按遏傳訓止韓訓病者謂負於厥躬作法于涼非以永命也

釋文無遏爾躬

上天之載

鄭康成曰載讀曰裁謂生物也

禮記注

漢書上天之繹

楊雄傳文選註繹事也

儀刑文王萬邦作孚

邢昺曰儀善刑法也言文王善用其法故能為萬國所

信 左傳昭公六年疏

禮記緇衣萬國作孚

左傳君子曰一人刑善百姓休和周之興也其詩云

云言刑善也 襄公十二年



晉書樂志漢末杜夔傳舊雅樂四曲一曰鹿鳴二曰

騶虞三曰伐檀四曰文王皆古聲詞

大明 八章

魯叔孫穆子曰大明兩君相見之樂也昭令德以合好

也 國語

詩汜歷樞曰午亥之際為革命亥大明也 又曰大明

在亥水始也

孔廣森曰始際之義蓋生于律大明在亥者應鐘為均也四牡則太簇為均天保則

夾鐘為均嘉魚仲呂為均采芑蕤賓為均鴻鴈夷則為均祈父南呂為均漢初古樂未湮者如此

韋曜曰周公昭先王之德于天下也

魯語註

明明在下赫赫在上

荀子曰君人者宣則直言至而讒言反矣君子邇而小

人遠矣詩云云此言上明而下化也

解蔽篇

又曰上易知則下親上矣上難知則下畏上矣故主道  
莫惡乎難知莫惡乎使下畏已詩曰明明在下先王明  
之豈特元之耳哉

正論  
篇

天難忱斯不易維王

董仲舒曰詩云天難謹斯不易惟王夫王者不可以不

知天知天詩人之所難也

春秋  
繁露

貢禹曰天生聖人蓋為萬民非獨使自娛樂而已故詩

曰天難謹斯不易惟王

漢書  
本傳

郭虔曰王命之所重載在篇典當令懸于日月固于金

石遺則百王施之萬世詩云不易維王可不慎歟

後漢  
書

李賢曰謹信也斯語詞

後漢書張敏傳引  
詩天難謹斯注

天位殷適使不挾四方

韓詩外傳曰紂之爲主冤酷之令加于百姓僭悽之惡

施于大臣羣大不信百姓疾怒及周師至而令不行乎

左右當是之時索爲匹夫不可得也詩云天謂殷適使

不狹四方

按韓家之義言天語殷之正適使不狹比于四方狹與梓材懷爲夾之夾同也

左傳昭公元年楚令尹圍享趙孟賦大明之首章趙

孟謂叔向曰令尹自以爲王矣何如對曰王弱令尹

強其可哉雖可不終

摯仲氏任

韓詩曰仲中也言位在中也

一切經音義引詩按周語摯疇之國由太任唐系

表仲虺後祖已七世孫曰成徙國于摯

林寶曰風俗通摯疇古諸侯國毛詩周有摯荒

元和姓纂

曰嬪于京

爾雅註聿嬪于京

大任有身生此文王

列女傳曰大任端一誠莊惟德之行及其娠文王目不視惡色耳不聽淫聲口不出敖言生文王而明聖卒為周宗君子以大任為能胎教

詩含神霧曰大任夢長人感已生文王

御覽八十四

一切經音義大任有娠

小心翼翼昭事上帝

高誘曰言文王小心敬慎明于事上不敢攜貳

呂覽注

李賢曰翼翼敬慎也

後漢書傅毅傳注引詩

淮南子曰所以心欲小者慮患未生備禍未發戒過慎

微不敢縱欲也高誘註詩云小心翼翼昭事上帝此之



謂也王術訓

呂氏春秋曰昔紂為無道醢梅伯脯鬼侯以禮諸侯于廟文王流涕而咨之紂恐其畔欲殺文王文王曰父雖無道子敢不事父乎君雖不惠臣敢不事君乎孰王而可畔也紂乃赦之天下聞之以文王為畏上而哀下也

詩云云行論篇 殷王發有同菀柳甚蹈之稱矣

聿懷多福

董仲舒曰允懷多福多福者非謂人也事功也謂天之

所福也春秋繁露 郊祭篇

李賢曰懷來也蔡邕傳 引詩注

呂向日聿遂懷來也言能恭敬遂來此多福文選晉紀 總論注

璇按此解與李同蓋出韓家也



在洽之陽

許慎曰郃陽左馮翊郃陽縣

說文引詩

酈道元曰河水又逕郃陽城東周威烈王十七年魏文

侯築汾陰郃縣卽此城也故有莘邑爲太姒之國郃水

南猶有文母廟前有碑故應劭曰在郃水之陽也

水經注

在渭之浹

初學記於渭之浹

大邦有子

班固曰王者之娶必先選于大國之女禮儀備所見多

詩云大邦有子明王者必娶大國也

白虎通

覩天之妹

韓詩曰磬天之妹磬譬也

正義釋文

許慎曰倪譬諭也

說文引詩

親迎于渭

范甯曰太姒家在渭涘文王親迎于渭即天子親迎之

明文

穀梁傳注

造舟為梁

薛綜曰造舟以舟相比次為橋也

文選京賦注

徐堅曰造至也謂從舟至舟相編為橋

初學記正義杜預曰河橋之

謂也

釋文船舟為梁

引廣雅郭注即今浮橋

按方言船舟謂之浮梁選注引方言作造

于周于京

班固曰此改號為周易邑為京也

白虎通引詩

續女維莘

水經注續汝維莘御覽同

殷商之旅

崔宏曰虞夏商周始皆諸侯及聖德既隆萬國宗戴稱號隨本不復更立唯商人屢徙改號曰殷然猶並行不廢始基之號故詩云殷商之旅此其義也北史本傳

其會如林

說文曰其旒如林旒旒也一曰建大木置石其上發以機以槌敵也洪頤煊曰說文引詩之訓與春秋傳旒動而鼓馬融廣成頌旒旒參其如林皆與毛

異義當是三家詩也

上帝臨女無貳爾心

呂覽曰以言忠臣之行也務本篇引詩

董仲舒曰人孰無善善不一不足以立身治孰無常常

不一不足以立功詩云上帝臨女無貳汝心知天道者

之言也

春秋繁露

高誘曰言天臨命武王伐紂必克之不敢有疑心

呂氏春秋

註

韋昭曰言天臨護女無有疑心女謂武王也

齊語

杜預曰言武王為天所臨不敢懷貳心

左傳襄公二十四年注

劉炫曰謂上天之意臨視女武王故在下臣民無懷貳

于女之心

左傳疏

干寶曰聖人德大而心小既居天位而戒懼不怠詩云

上帝臨爾无貳爾心言周德當天人之心宜居王位

周易

輯解

牧野洋洋



水經注曰清水東南歷毋野自朝歌以南南暨清水  
地平行據臯跨澤悉毋野矣竹書紀年云周武王率西  
夷諸侯伐殷敗之于毋野詩所謂毋野洋洋者也  
駟駟彭彭

高誘曰黃馬白腹曰駟

淮南主術訓註引詩

五經異義四駟彭彭

公羊傳疏

維師尙父

韓詩內傳曰師臣者帝友臣者王臣臣者霸

白虎通義

時維鷹揚

賈公彥曰武王伐紂之時太公奮其威武如鷹之擊揚

周官疏 羅願曰鷹好揚隼好翔故以比太公之武 陸佃曰樂記所謂發揚蹈厲太公之志也

涼彼武王肆伐大商



韓詩曰亮彼武王亮相也

後漢書註 按漢書涼亦作亮爾雅左右亮也

應劭曰三王夏禹殷湯周武王也詩云亮彼武王龔伐

大商勝殷遏劉耆定武功由是言之武王審矣說春秋

詩者以為文王文王率殷之叛國以服事殷時尙臣屬

何緣便得列三王哉經美文王三分天下有其二王業

始兆于此耳俗儒新生多共辨論大王王季皆見追號

豈可復謂已王乎

風俗通

文選注諒彼武王

按諒信也謂信任于武王亦一義也

縣九章

魯穆叔曰縣兩君相見之樂也

國語

杜預曰文王大明縣皆稱文王之德受命作周故諸侯

會同以相樂

左傳襄公四年注

縣縣瓜應民之初生

薛章句曰𦵏小瓜也

文選潘岳詩注

許慎曰𦵏𦵏也

說文引詩

詩含神霧曰集微揆著上統元皇下序四始羅列五

際宋均注集微揆著若縣縣瓜𦵏人之初生揆其如

是必將至著有天下也

御覽六百

自土沮漆

齊詩自杜沮漆

漢書地理志

顏師古曰言公劉遷狄而來

居杜與沮漆之地

漢書注

王引之曰土當從齊詩讀

杜陽縣南入渭漆水在右扶風漆縣西北入涇沮當為

祖徂往也言公劉去邠適邠自杜水往至于漆水向與

自西徂東自郊徂宮自堂徂基同義  
酈道元曰渭水東逕漆沮入洛孔氏云漆沮二水出馮

翊北周太王去邠踰漆度梁山止岐下故詩曰自土漆

沮又曰率西水澍至于岐下

水經注 洛水篇

藝文類聚自土漆沮

臧琳曰漆沮與亶父為鄰 水經注同石經倒其次耳

古公亶父

呂覽曰太王亶父公組之子號曰古公避狄難也狄人

獫狁今之匈奴

審為 篇

趙岐曰古公亶甫亶甫太王名也號稱古公

孟子 注

陶復陶穴

說文曰陶覆陶穴覆地室也

徐鍇曰謂于地旁巖 下築為室若陶竈也

釋文曰復累土于地上也

玉篇陶瓊陶穴

來朝走馬

趙岐曰遠避狄去惡疾也

孟子注

顧野王曰來朝趣馬言早日疾也

玉篇程大昌曰古皆乘車今日走馬或

已變乘為騎 嗽按若玉篇所引則走為趣字之省來朝趣馬猶星言夙駕之意而後世因以立趣馬之官也

爰及姜女聿來胥宇

列女傳曰太姜者太王之妃有台氏之女也賢而有色

太王有事必諮謀焉詩云云

藝文類聚十五

新序聿來相宇

新事篇

周原膺膺

韓詩周原膺膺

文選注廣雅膺膺肥也

劉淵林曰膺膺美也

三都

賦注

皇甫謐曰太王避狄徙于岐山之陽今山之西北岐城

舊址是也南有周原故始改號曰周

帝王世紀百五十五

御覽惠棟



日汲冢古文武丁元年幽遷于岐周

爰始爰謀爰契我龜

杜子春日契契龜之鑿周官注引詩

鄭眾曰契楚焯所用灼龜周官注引詩

杜預曰先人事後卜筮左傳襄公二年引詩注

漢書注曰爰挈我龜挈刻也言刻開之灼而卜之叙傳注

左傳哀公二年齊人輸范氏粟趙鞅禦之卜戰龜焦

樂丁曰詩云云謀協以故兆詢可也

迺慰迺止 迺宣迺畎

干寶曰大王為戎翟所逼而不忍百姓之命杖策而去

之其詩云來朝走馬率西水許至于岐下周民從而思之曰仁人不可

失也從之如歸市居之一年成邑二年成都三年五倍

其初每勞來而安築之其詩云乃慰乃止乃左乃右乃

紀總論

王肅曰乃左右開地致邑以居其民正義

乃召司空乃召司徒

唐石經迺召司空迺召司徒

其繩則直

釋文其乘則直

縮版以載

鄭康成曰板蓋二尺長六尺禮記注引詩

掇之陜陜

說文曰掇盛土于榷中也陜陜築牆聲也引詩今本作陜

又曰掇之仍仍墩按廣雅仍仍登登眾也皆釋此章詩義仍亦三家字也

度之薨薨

韓詩曰度填也

釋文 按度傳訓居是度讀為宅也韓訓填者謂填土于版中而後施其杵築也

陸德明曰薨薨爾雅云眾也王肅云亟疾也

釋文

臯門有伉

韓詩曰臯門有閼閼盛貌

釋文 玉篇引詩閼同

賈公彥曰諸侯三門臯應路

周官疏引詩

應門將將

文選注應門將將

西都賦 按七發莘莘將將註將將高貌此將將為三家字从山亦高大

之意

迺立冢土

顏師古曰冢大也土土神

漢書郊祀志注

傅咸曰祭法王爲羣姓立社曰大社王自爲立社曰王社而書稱社于新邑詩稱乃立冢土無兩社之文蓋詩書所稱各指一事皆在公旦制作之前也禮志肆不殄厥愠亦不隕厥問

趙岐曰殄絕殞失也言文王不殄絕犬夷之愠怒亦不

能殞失文王之善聲聞也

孟子注 呂祖謙曰以皇矣

總述周家王業積施屈伸之理始于太王而終于文王耳

柞棫拔矣行道兌矣

王肅曰柞棫生柯葉拔然時混夷伐周

正義

釋文行道脫矣

呂大臨曰混夷所以爲患者恃其深莽大道塞不通耳今柞棫拔而行道通

彼失其所恃是以駭奔而喙息也

混夷駭矣維其喙矣



說文曰昆夷駮矣駮馬行疾也 又曰夫夷咽矣東夷

謂息為咽 按此引詩亦三家之說釋詁云咽息也見於雅訓東夷郭註謂東齊也 王玉樹曰說

文已引駮又引作咽或別出古本說文引經之例各出互見者甚眾不得謂彼是而此非也

張載曰昆夷突矣突唐突也 文選靈光殿賦注

廣韻曰昆夷瘝矣瘝困極也 按此蓋合二句引之案從廣為疲病困極之意言

混夷侵周屢不得逞自取病困也 陳啟源曰喙亦作瘝瘝瘝字通

左傳注喙夷喙矣 按此與說文廣韻引詩皆合二句引之也

皇甫謐曰文王受命四年混夷伐周一日三至其東門

文王閉門修德而不與戰 正義

常衮曰惟昔盛明必有憂難在殷高宗有鬼方之征在周文祖有昆夷之患 文粹五十七

虞芮質厥成

尚書大傳曰虞人與芮人質其成于文王入文王之境

則見其人萌讓為士大夫入其國則見士大夫讓為公卿二國相謂曰此其君亦讓以天下而不居也

論廿苑

史記周本紀虞芮之人有獄不能決乃如周入其界耕者皆讓畔民俗皆讓長虞芮之人未見西伯皆慙相謂曰吾所爭周人所恥何往為祇取辱耳遂還俱讓而去

之家語同

又曰詩人道西伯蓋受命之年稱王而斷虞芮之訟

梁肅

日太史公謂詩人道西伯以受命之年稱王而斷虞芮之訟遂追王太王王季改正朔易服色十年而崩或謂大雅序文王受命作周以實其說予以為反經非聖不可以訓蓋大雅作周之義取其積德累仁為海內所歸往武王因之遂成大業非所謂革命易姓為作周也

文粹四十二

予曰有疏附予曰有先後予曰有奔奏

孔叢子曰周文胥附奔轅先後禦侮謂之四鄰以兔乎

牖里之害

尚書大傳同

文選注子聿有先後予聿有奔走

楚詞章句同

左傳昭公二年晉韓宣子來聘公享之季武子賦

之卒章

杜注義取文王有四臣以致興盛以晉侯此文王以韓子比四輔

棧樸

五章

董仲舒曰文王受命則郊郊乃伐崇

春秋繁露引詩

吳志曰周自后稷以來皆得祭天猶魯人郊祀也是以

棧樸之作有積燎之薪

三國志注引詩林

薪之槩之

鄭康成曰槩積也燔燎而升煙所以報陽也

周官大宗伯注引詩

陸德明曰槩木燒也本一作槩

釋文

濟濟辟王右右趣之

晏子春秋曰古者聖王明君之使以善也故外知事之

情而內得心之誠是以不迷也詩云云問下篇

賈誼曰君子重襲小人無由入正人十倍邪僻無由來

古之人其謹于近乎詩云云言左右日趣以善也新書容經

春秋繁露左右趨之

左右奉璋

沈括曰璋圭之半體也合之則成圭王左右之臣合體

一心趣于王者也夢溪筆談

董仲舒曰左右奉璋此文王之郊也六師及之此文王

之伐崇也以是見文王之先郊而後伐也春秋繁露四祭篇孔廣

森曰此薪標即周官標燎之祭先郊後伐者出師之類祭也

奉璋峩峩髦士攸宜



孫毓曰國事莫大于祀祀神莫大于天必擇俊士與共其禮故舉祭天之事以明官人之義異同評

徐彥曰言文王祭皇天上帝之時在助祭者奉此半圭

之璋其儀容盛莊矣盡是俊士之宜利公羊傳疏引詩

釋文奉璋俄娥公羊釋文奉璋娥娥

淖彼涇舟

舊唐書譬彼輕舟杜希全傳德宗君臣箴引嚴粲曰文王始居岐後居豐涇非耳目所及

也 璩按唐書引涇作輕或別有據歟

烝徒楫之

陸德明曰方言楫謂之橈郭注楫橈頭索也所以懸櫂

釋名在旁撥水曰櫂又謂之楫釋文

春秋繁露烝徒楫之

周王于邁六師及之

班固曰師二千五百人六師一萬五千人

白虎通引詩

董仲舒曰文王受命而王天下先郊乃敢行事而興師

伐崇詩曰芄芃棫樸薪之標之此郊辭也曰周王于邁

六師及之此伐辭也

春秋繁露

為章于天

崔駰曰詩云追琢其章又云為章于天喻文王聖德有

金玉之質猶雲漢之在天也

蓋議御覽五百六十二

劉勰曰為章于天謂文明也其在文物赤白曰章

文心雕龍

追琢其章金玉其相

劉向曰言文質美也

說苑修文篇引詩

趙岐曰雕琢治飾玉也詩雕琢其章

孟子註追荀子說苑均作雕

王肅曰以興文王聖德其文如雕琢矣其質如金玉矣

正義

周禮註追琢其璋 賈疏璋玉為之追琢皆治玉石之

名戴震曰士冠禮毋追鄭注追猶堆也枚乘七發踰岸出追李注追亦堆字 然侗曰追文之突出者琢文

之刻入者

徐幹曰珠之含礫瑾之挾瑕斯其性與良工為之以

純其性若夫素然故觀二物之既純而知仁德之可

粹也詩云云中論

勉勉我王綱紀四方

荀子禮我王綱紀四方 楊倞注禮勸勉之貌勉

力為善所以綱紀四方也上制篇又

早麓六章

詩外傳同

瞻彼旱麓 干祿豈弟

國語單穆公曰詩云瞻彼旱麓榛楛濟濟愷悌君子干祿愷悌旱鹿之榛楛殖故君子得以易樂干祿焉若夫山林匱竭林鹿散亡藪澤肆旣民力彫盡田疇荒蕪資用乏匱君子將險哀之不暇而何樂易之有焉

應劭曰麓林屬于山者也

風俗通山澤篇引詩

韋昭曰山足曰鹿君子謂君長也

國語注

陸德明曰榛木叢也

釋文

嚴可均曰續漢郡國志南鄭注引華陽國志曰有池水從旱山來水經沔水注南鄭縣漢水右合池水出旱山之下有祠池水即沔水孔疏不言旱山所在可補其闕

瑟彼玉瓚



鄭司農曰卹彼玉瓚于圭頭爲器可以挹鬯灌祭謂之

瓚周官注

說文曰瑟彼玉瓚玉英華相帶如瑟弦也

白帖瑟彼圭璋瑟潔白貌七

爾雅釋文邈彼玉瓚

鳶飛戾天魚躍于淵

薛君曰魚喜樂則踴躍于泉中文選講德論注

王符曰君子修其樂易之德上及飛鳥下及淵魚無不

歡欣悅豫潛夫論德化篇引詩折中曰太和之氣充滿宇宙各性其性而不自知也

鄭康成曰聖人之德至于天則鳶飛至于地則魚躍是

其明著于天地也中庸注

潛夫論鳶飛厲天姚炳曰鳶乘風直上摩天同翔抱朴子云鳶之在下無力及至乎上聳身

直翅而已此爾雅所謂  
鳶鳥醜其飛也翔也

遐不作人

杜預曰遐遠也作用也不語助詞言文王能遠用善人

左傳成公八年注

潛夫論胡不作人

按遐箋訓遠鄭禮記註遐之言胡也與此同

青酒既載

薛君章句曰載設也

文選西征賦注

駢牡既備

班固曰言文王之牲用駢周尙赤也

白虎通義引詩

民所燎矣

陸德明曰燎一作瘞說文祭天也又云放火也

釋文

神所勞矣

放齊堂經解

詩經廣詁

大雅 文王之什

三

杜預曰君子為神所勞來

左傳僖公十二年注

左傳齊侯使管夷吾平戎于王以上卿之禮饗管仲

管仲受下卿之禮而還君子曰管氏之世祀也宜哉

讓不忘其上詩曰愷悌君子神所勞矣

僖公十二年

莫莫葛藟

說文曰藟草也一曰秬鬯也

引詩

晏子莫莫葛藟

後漢書莫莫葛藟

施于條枚

高誘曰延蔓于條枚之上得其性

呂氏春秋注

許慎曰枚幹也可為杖

說文引詩

賈公彥曰在旁而及曰施

儀禮疏引詩

呂氏春秋延于條枚

韓詩外傳新序後漢黃琬傳注並作延于條枚

豈弟君子求福不回

淮南子曰言以信義為準繩也秦族訓引詩

高誘曰君子求福不以邪道順于天性以正直受大福

淮南子注 李光地曰君子以豈弟之德求之則正而無邪矣易曰受茲介福以中正也

韋曜曰回邪也求福以禮不以邪也周語注

李賢曰回違也後漢書蘇竟傳注 胡長庚曰周非即邪人心之直一念回轉則入于邪也

璩按同訓為違謂違其初志也胡氏之義足相發矣

表記子曰下之事上也有庇民之大德不敢有君民之

心仁之厚也是故君子恭儉以求役仁信讓以求役禮

不自尚其事不自尊其身儉于位而寡于欲讓于賢卑

己而尊人小心而畏義求以事君得之自是不得自是

以聽天命詩云莫莫葛藟施于條枚凱弟君子求福不



同其舜禹文王周公之謂歟有庇民之大德有君民之  
小心

晏子春秋崔杼弑莊公劫晏子盟晏子曰劫吾以刃  
而失其志非勇也同吾以利而倍其君非義也詩云  
云今嬰且可以同而求福乎

內雜  
篇

說苑韓褐子濟于河津舟人告用事于河伯韓子不  
聽曰吾不為人之惡我而改吾志不為我將死而改  
吾義詩云云鬼神且不同況于人乎

之鬼神  
亦一義

修文篇 按此  
引詩以不同屬

詩經廣詁 大雅

詩經廣詁 大雅

敬躋堂經解

桐城徐璈輯錄

文王之什 第二十三下

思齊 四章

大妣嗣徽音則百斯男

劉向曰太妣號曰文母思媚太姜旦夕勤勞以盡婦道

文王理外太妣理內生子也列女傳

趙岐曰文王之有美過實聖人不改錄其意也詩亦有

言崧高極天則百斯男亦已過矣孟子注

惠于宗公神罔時怨神罔時侗

國語晉胥臣曰文王子是乎用四方之賢良其即位也

詢于八虞而諮于二虢度于閔天而謀于南宮諏于蔡  
原而訪于莘尹重之以周召畢榮億寧百神而柔和萬  
民故詩曰惠于宗公神罔時恟

說文曰神罔時恟恟大也

韋曜曰宗公大臣也言文王為政諮于大臣順而行之

國語註 璩按此依  
箋說王仲毛義也

王肅曰文王之德能上順祖宗安寧百神無失其道無

所怨痛

釋文

### 刑于寡妻

韓詩曰刑正也

釋文 爾雅刑法也義疏韓訓  
正者正亦法也注所以正人也

韋昭曰寡妻寡德之妻謂太姒

晉語引  
詩注

趙岐曰刑法也寡少也言文王正己嫡妻則八妾從

孟子

注

至于兄弟以御于家邦

鍾離意曰明正之本自近及遠

後漢書本傳引詩

陳羣曰道自近始而化洽于天下

魏志本傳引詩

趙岐曰御享也享天下國家之福

孟子註按趙氏訓兄弟謂后夫人之媵

王肅曰以迎治天下之國家

正義

誰離在宮

賈思伯曰豈豈在宮辟雍宮也所以助王養老則尚和

助祭則尚敬

魏書本傳

烈假不瑕

集韻厲假不瑕

詩經小學曰箋云厲假皆病也正義鄭讀為厲假也唐公房碑厲盡不遐與鄭

文選卷之三

詩經

大雅文王之什

二



合

不聞亦式不諫亦入

王肅曰不聞道而自合于法無諫者而自入于道唯聖

德乃然止義

肆成人有德小子有造

劉向曰大學之教也說苑引詩

王肅曰文王性與道合故周之成人皆有成德小子未

戎皆有所造為進于善也正義

古之人無斁

韓詩古之人無擇詩考董氏云按箋口無擇言身無擇行正義不言字誤則此經本有作

音擇

皇矣 八章

杜預曰美文王也

左傳昭公二十八年注

杜牧曰大雅皇矣周公美周之詩

文粹八十

臨下有赫

潛夫論臨下以赫

求民之莫

漢書求民之瘼

文選齊安陸王碑註漢書引詩為瘼郝云班所引必三家詩也

維此二國其政不獲

杜預曰言夏商之君政不得人心

左傳文公四年注

唐石經其正不獲

按鄭箋亦作正

維彼四國爰究爰度

王肅曰彼四方之國乃往從之謀往從之居

正義

杜預曰言四方之諸侯皆懼而謀度其政事爰於也究

度皆謀也 左傳注

左傳文公四年楚人滅江秦伯為之降服出次不舉

日同盟滅雖不能救敢不矜乎吾自懼也君子曰詩

云惟彼二國其政不獲惟此四國爰究爰度其秦穆

之謂矣

上帝者之憎其式廓

王符曰言夏殷二國之政奢夸廓大上帝憎之更求聖

人與天下 潛夫論班祿篇引詩

王肅曰惡桀紂之不德也 正義

羣經音辨憎其式郭 集傳憎當作

乃眷西顧此維與宅

匡衡曰此維予宅言天以文王之都為居也 漢志郊祀志稽古

編衡詩齊詩以首二章為美文王  
與箋義同後儒以為太王者非也

谷永曰上天震怒災異婁降終不改寤惡洽變備不復

譴告更命有德詩云云夫去惡奪弱遷命賢聖天地之

常經百王之所同也

漢書本傳

淮南子曰存在得道而不在于大也亡在失道而不在于

于小也詩云云言去殷而遷于周也

汜論訓

高誘曰紂治朝歌在東文王國于岐周在西天乃眷然

顧西土此唯居周言我宅也

淮南子注

王充曰舜之授禹禹之傳啟皆以人心效天之意詩之

眷顧洪範之震怒皆以人身效天之意

論衡謹告篇

初學記乃睠西顧

吳英曰西謂太王居幽也周自后稷封邰公劉遷幽皆為西土

論衡此惟予度

潛夫論同璩按漢書韋賢傳先后茲度臣璣注古文宅度同



其蓄其翳

韓詩曰其蓄其殪蓄反草也殪因也因高填下也  
釋文

郭璞曰翳樹蔭翳覆地者爾雅注引詩

爾雅注其樛其翳爾雅立死留釋文云字林作樛又作蓄

啟之辟之

薛君章句曰辟除也文選上林賦注一切經音義

串夷載路

釋文患夷載路  
惠棟曰串古文貫字明堂位貫鼎鄭注貫國名貫與昆通貫夷即混夷伐崇時

混夷已平故云載路

天立厥配

爾雅某氏注天立厥妃正義按箋云賢妃是鄭亦作妃也

帝省其山柞棫斯拔

集韻曰拔木生柯葉貌

詩引

文中子遼東之役天下治船子白林麓盡矣帝省其

山其將何辭以對

立命篇

帝作邦作對

李奇曰對配也能與天地相配也

漢書揚雄傳注引詩

自大伯王季

韓詩外傳曰大伯獨見王季獨知伯見父志季知父心

故大王大伯王季可謂見始知終而能承志矣詩云自

大伯王季

至

奄有四方此之謂也

王肅曰太伯適吳沒而不返國讓王季別道大興本大

伯讓與王季也

正義

維此王季

左傳惟此文王

昭公二十七年 史記正義曰 王肅注韓詩亦作維此文王

帝度其心貊其德音

左傳成鱣曰帝度其心莫其德音心能制義曰度德正

應和曰莫

昭公二十八年 中論同

韓詩曰莫其德音莫定也

釋文 史記樂書引詩作莫同

服虔曰在己為德施行為音

左傳注

又曰貊然而定無

謹譁也

詩正義

克明克類克長克君

左傳成鱣曰照臨四方曰明勤施無私曰類教誨不倦

曰長賞慶刑威曰君

中論禮記疏同

杜預曰施而無私物得其所無失類也

克順克比比于文王

左傳成鱣曰慈和徧服曰順擇善而從曰比經緯天地

曰文中論禮記疏同璈按成鱣所釋九德之義傳箋皆遵述其詞

徐幹曰此為九德之美論中

劉炫曰比于文王可以比于上代文德之王也史記正義

樂記克順克俾于文王史記樂書同

其德靡悔既受帝祉施于孫子

左傳成鱣曰九德不愆作事不悔故襲天祿子孫賴之

無然畔援

韓詩曰畔援武強也釋文

漢書無然畔換孟康注畔反也換易也顏師古注

畔換強恣之貌

玉篇曰無然伴換伴換猶拔扈也璈按畔換敵羨洪範所謂剛克柔克也文



本以望系角

王無然德之  
所以純矣

無然歆羨

韓詩無然欣羨

薛章句曰羨願也

文選天台  
山賦注

密人不恭敢距大邦

呂氏春秋曰密須之民自縛其主而與文王

用民篇  
高誘注密

人不共敢距大  
邦此之謂也

應劭曰密須氏媾姓之國

漢書地理  
志注引詩

臣瓚曰密姬姓之國密須今安定陰密

漢書注  
引詩

王肅曰密須氏不共其職敢與兵逆大國侵周地

正義

羅泌曰密人不恭事見周書蓋與紂有謀周之意

路史  
國名

記

侵阮徂共

張融曰魯詩義阮祖共皆國名

正義

荀子曰文王誅四國楊倬注密也阮也共也崇也

仲尼

篇引詩

竹書紀年帝辛三十二年密人侵阮西伯帥師伐密三十三年密人降于周師

孫毓曰書傳文王七年五伐有伐密須大夷黎邦崇未

聞有阮祖共三國文王伐之之事

正義

王赫斯怒爰整其旅以按祖旅

董仲舒曰當是時紂為無道諸侯大亂民樂文王之怒

而詠歌之也

春秋繁露引詩

趙岐曰言文王赫然斯怒于是整其師旅以遏止往伐

莒者

孟子注

孟子正義詩曰以按祖旅孟子乃曰以遏祖(莒)春秋魯隱二年書莒子盟于密則莒者密

之近地又困學紀聞引韓非曰文王克莒是莒為國邑也

王肅曰密人之來侵也侵阮遂祖侵共遂往侵旅故王

怒整其師以止徂旅之寇上曰徂共此曰徂旅又為周  
王之所禦其密人亦可知也省煩之義詩人之微意也  
正義正

江熙曰王赫斯怒貴在爰整子所慎三戰居其一穀梁傳信

公元年注

集韻曰王赫斯怒斯或作錫盡也璩按文選西征賦若

賜盡也是賜錫斯通也

以篤周祜

唐石經以篤于周祜符疏本同

無矢我陵我陵我阿

薛章句曰四平曰陵文選羽獵賦注又曰曲景曰阿文選西

吳英曰竹書西伯伐密密人降周遂遷于程密阮注皆周之鄰國密人侵阮又侵共與莒文王按止密人進

兵至密國之境而密降于是密地之  
陵阿泉池皆若周所固有故曰我也

韓詩無失

我陵文選西都長楊賦注

度其鮮原

逸周書和寤解王乃出圖商至于鮮原竹書紀年周師次于鮮原惠棟曰鮮原乃商周相接之境蘇軾曰相其高原而徙都焉所謂程邑者歟

居岐之陽

酈道元曰淮南子岐水出石橋山漢書音義岐水名南

與杜水合逕岐山又屈逕周城南城在岐山之陽而近

西所謂居岐之陽者非直因山致名亦指水取稱水北

卽岐山矣

水經注渭水篇酈氏更兼水言之水北亦為陽也太王所遷

之周原在岐山西文王後遷之豐在岐山東南三百里此之岐陽清將闕駟以為程邑矣

不大聲以色

汝齊

詩經廣詁

大雅 文王之什



墨子毋大聲以色

不長夏以革

王肅曰言幼而有天性長幼一行也

正義

墨子毋長夏以革

按墨子引詩書之文多以己意訓釋之往往與經字不同如此二句篇

中前引作不字後又引作母字也

不識不知順帝之則

左傳公孫枝曰唯則定國詩云云文王之謂也

僖公九年

墨子曰帝善其順法也故舉殷以賞之使貴為天子富

有天下名譽至今不息

矢志篇引帝謂以下六句

賈誼曰弗識弗知順帝之則言民悅其德義則而象之

也

新書

董仲舒曰言弗能知識而效天之所為云耳

春秋繁露五十二

杜預曰言文王闇行自然合天之法

左傳僖公九年引詩注

淮南子曰聖人不以行求名不以智見譽法修自然已

無所與慮不勝數行不勝德事不勝道為者有不成求

者有不得人有窮而道無不通與道爭則凶故詩曰弗

識弗知順帝之則

銓言訓

又曰性命可說不待學問而合于道者堯舜文王也高

誘注聖人不學而知之者堯舜文王詩云不識不知順

帝之則是也

修務訓篇

與爾臨衝以伐崇墉

說文曰與爾臨衝輶輶陷陣車也

李賢曰衝撞車也

後漢書光武紀引詩注

杜牧曰此文王伐崇墉傅于其城以臨車衝鈎接其城

文王親自為之周公詩之文粹八十八

韓詩與爾隆衝

釋文 惠棟曰隆車巢車之類高車也韓本作隆衝後漢殤帝諱隆改為臨孔

疏以為臨下之名失之 璪按淮南子隆衝以攻高注隆高車也衝所以臨敵城衝突壞之隆衝連文不作臨也

伏湛曰臣聞文王受命而征伐五國必先之同姓然後

謀于羣臣加占著龜以定行事故謀則成卜則吉戰則

勝其詩曰帝謂文王詢爾仇方同爾兄弟以爾鈞援與

爾臨衝以伐崇墉崇國城守先退後伐所以重人命俟

時而動

後漢書本傳 璪按伏氏世傳齊詩蓋齊家之說解兄弟句與箋異加占著龜未知所指豈鈞

援句之別詁歟

臨衝閑閑 臨衝芾芾

王念孫曰芾芾或作勃勃廣雅閑閑勃勃盛也與毛傳異義蓋本于三家也

攸戡安安

陸德明曰戡一作**職**字林云截耳則作耳傍獻首則作

首傍釋文

是類是禡

高誘曰祭社曰類以事類祭之也

淮南子註引詩

應劭曰禮將征伐告天而祭謂之類告以事類也至所

征伐之地表而祭之謂之禡禡者馬也馬者兵之首故

祭其先神也

漢書敘傳引詩注

說文是禡

**禡**是禡爾雅是禡是禡師祭也

是致是附

說苑文王伐崇令母殺人母壞室母填井母伐樹木母

動六畜崇人聞之因請降

何楷曰此詩所謂是致是附也



崇墉仡仡

韓詩曰仡仡搖也釋文 按仡仡猶岌岌 高危之狀勢若動搖也

說文曰崇墉屹屹屹屹牆高貌也

張載曰崇墉屹屹屹猶孽也高大貌文選靈光殿賦注 又後漢書張儉傳

亦作崇 墉屹屹

西方以無拂

王肅曰拂違也正義

左傳宋司馬子魚曰文王聞崇德亂而伐之軍三旬而

不降退修教而復伐之因壘而降錢澄之曰卽 此章之事

靈臺五章

詩汜歷樞曰靈臺候天意也經營靈臺天下附也御覽 五百

劉向曰積恩為愛積愛為仁積仁為靈靈臺之所以為

靈者積仁也神靈者天地之本萬物之宜也苑

經始靈臺經之營之

六韜曰文王既出羗里召周公旦作靈臺

御覽五百三十四

禮統曰夏為清臺殷為神臺周為靈臺所以制靈臺何

以尊天重民備災禦害豫防未然也

御覽五百三十四

禮含文嘉曰靈臺以考天人之際陰陽之合也揆星度

之驗徵氣朔之瑞應原神明之變化為百姓獲福于天

太平御覽

五經通義曰王者所立靈臺在國之南附近辟雍依仁

宮也靈臺制度積土崇增其高九仞上平無屋高九仞

者極陽之數平無屋者望氣顯著

太平御覽

五經異義曰天子有三臺靈臺以觀天文時臺以觀四

時施化囿臺以觀鳥獸魚鼈諸侯卑不得觀天文無臺

但有時臺囿臺也初學記二十四

又曰靈臺以望氣明堂以布政辟雍以養老教學三者

不同隋書四十九

左傳僖公十五年秦伯獲晉侯以歸舍諸靈臺 杜預

注在京兆鄠縣周之故臺也

三輔黃圖靈臺在長安西北四十里

庶民攻之不日成之

孔叢子曰文王之興六州之眾各以子道來故區區之

臺未及期而成之徐鍇曰不日猶言不及浹日也

趙岐曰言文王經營規度此臺眾民並來治作不與之

相期限而自來成之也

韋昭曰不日不程課以時日也

楚詞注

薛綜曰不日言不用一日即成之

文選東京賦注

楚語伍舉曰先王之為臺榭也榭不過講軍實臺不過望氛禋故榭度于大卒之居臺度乎臨觀之高其所不奪穡地其為不匱財用其事不煩官業其日不廢時務瘠磽之地于是乎為之城守之木于是乎用之官寮之暇于是乎臨之四時之隙于是乎成之故周詩曰經始靈臺至麇鹿攸伏

賈誼曰文王志之所在意之所欲百姓不愛其所不憚

其勞從之如集詩云云

經始靈臺至庶民子來

文王有意為臺令

近境之民間之者裹糧而至問業而作之日日以眾故弗趨而疾弗期而成命其臺曰靈臺命其囿曰靈囿命



其沼曰靈沼愛敬之至也新書七

王在靈囿麋鹿攸伏

魯詩傳天子囿百里諸侯三十里穀梁傳注

高誘曰畜禽獸所大曰苑小曰囿呂覽注引詩

趙岐曰麋鹿特鹿也言文王在此囿中麋鹿懷任安其

所伏而不驚動也孟子注

韋昭曰視牝鹿所伏息愛特任之類楚語注

范甯曰何休徐邈皆謂天子囿方百里公侯十里伯方

七里子男五里與魯詩傳說別穀梁傳成公七年注

三輔黃圖靈囿在長安西四十二里

麋鹿濯濯白鳥翯翯

許慎曰翯翯鳥白肥澤貌說文引詩

趙岐曰獸肥滿則濯濯鳥肥飽則鶴鶴而澤好孟子注

文穎曰濯濯肥也漢書注

司馬貞曰濯濯嬉遊也史記司馬相如傳注

賈子新書白鳥皜皜又何晏景福殿賦確確白鳥

王在靈沼於物魚躍言于景人必育命聖平此報報也

賈誼曰聖王所在魚鼈禽獸猶得其所况于人民乎新書

薛君章句曰文王聖德上及飛鳥下及魚鼈文選顏延之詩注

賈三輔黃圖靈沼在長安西三十里

樂新序曰周文王作靈臺及池沼掘得死人骨吏以問

于文王文王曰更葬之天下聞之皆曰文王賢矣澤

及枯骨而况于人乎御覽五百三十四

虞業維樅司業維業大觀對業吹澗齒以白畫之象其

說文曰巨業維樅業大版捷業如鋸齒以白畫之象其

鉏鋤相承也

陸德明曰樅徐邈音衝衝牙也

釋文

樂苑文王樂名巨業

詩攷

賁鼓維鏞

釋文 鼗鼓

於論鼓鐘

徐鍇曰論者倫也言于是人心有倫理乎此辟靡也

說文

繫傳

於樂辟靡

韓詩說辟圓如璧雍以水不言圓言辟者取辟有德也

不言辟水言辟雍雍和也

大戴禮注引

又曰辟雍者天子

之學所以教天下春秋饗射尊事三老五更在南方七

里之內立明堂于中

正義引韓

莊子文王有辟雍之樂

外篇

白虎通義曰辟之為言積也積天下之道德雍之為言

壅也壅天下之儀則

辟雍篇引詩

五經通義曰詩於樂辟雍辟雍養老教學之所也以形

制言之雍壅也辟璧也雍水環之圓如璧形以義理言

之辟明也雍和也言以禮和明天下

舊唐書歸崇敬傳

又曰天子立辟雍者所以行禮樂宣德化教導天下之

人使為士君子養三老事五更與諸侯行禮之處也

文

類聚三十八

### 鼉鼓逢逢



高誘曰鼉皮可作鼓

淮南子注

陸德明曰逢逢埤蒼云鼓聲也

淮南子注鼉鼓洋

**洋**

時則訓

眾經音義鼉鼓鼉

**鼉**呂覽注同

御覽鼉鼓

**彭彭**

五百八十

矇眛奏公

韓詩矇眛奏功

薛君章句曰無珠子曰矇珠子具而

無見曰眛

文選演連珠註

高誘曰日不見曰矇詩云矇

**叟**奏功

呂氏春秋洋鬱注

楚辭章句矇眛奏工

下武

下武維周

胡文英曰箋後人能繼先祖者維有周家最大是三家本作大武也

成王之孚下土之式

緇衣子曰禹立三年百姓以仁遂焉豈必盡仁大雅云云韓詩外傳曰君子修身及孝則民不倍矣敬孝達乎下則民知慈愛矣好惡喻于百姓則下應其上如影響矣詩云云

永言孝思孝思維則

趙岐曰長言孝道欲以為天下法則

孟子注

媚茲一人應侯順德

淮南子曰人以其所願于上以交其下誰弗戴以其所欲于下以事其上誰弗喜詩云媚茲一人應侯慎德慎德大矣一人小矣能善小斯能善大矣

繆稱篇淮南引詩一人

荀勗堂經解

猶云匹夫匹婦改曰小也媚茲一人猶卷阿云媚于庶人也

盧辯曰媚茲一人謂御于天下而蒙寵愛應侯順德謂

逢國君能成其德

大戴記注

水經注曰淄水又東逕應城南又東南逕應山北故應

鄉也應侯之國詩所謂應侯順德者也

漢水篇 集傳或疑此詩

有成王字疑為康王以後之詩今攷詩文明言世德作求固非專咏武王矣成王者武王之宗嫡應侯者武王之支別兩言孝思見本與枝王與侯皆克肖武王也繩武之穆有邗晉韓舉應侯以統之嗣服嗣之子侯甸六服也酈氏之義當亦三家之舊詰矣

羅泌曰應韓詩云侯爵盟會圖汝之魯山有應城

路史國名

紀

昭茲來許繩其祖武

後漢祭祀志注昭茲來御慎其祖父

讀詩記 何楷曰以祖武言之知此

詩作于康世不在成時明矣

漢碑昭哉來許詩攷

受天之祐

說文繫傳受天之祺徐錯曰祺之言期也天將與之福先見其兆為之期也

文王有聲八章

通求厥寧

說文曰吹求厥寧吹詮詞也戴震曰吹詞者承上文所發端詮而釋之也吹蓋本

字省作日聿與通皆假借字也

文王烝哉

韓詩曰烝美也釋文瓘按爾雅烝君也韓訓美者謂為君之美也廣雅烝美也蓋本韓義

文王受命有此武功



董仲舒曰天子每將興師必先郊祭以告天乃敢征伐

詩云云受命四句以此見文王受命則郊郊乃伐崇也春秋繁露

班固曰詩云文王受命非聖不能受命白虎通

既伐于崇

張守節曰崇夏鯀封虞夏商皆有之崇國蓋在豐鎬之

間史記正義引詩

尚書大傳既伐于窰竹書紀年帝辛三十四年周師取耆及邶遂伐崇崇人降

作邑于豐

李業興曰昔太王王季居于岐陽躬行召南之教以興

王業及文王行周南之教以受命作邑于豐北史本傳韓非子

文王伐孟克莒舉豐三舉而紂惡之鄒忠應曰豐即崇國之地

江表傳吳羣臣議曰文王郊于豐見漢書匡衡奏吳志

注

築城伊減

韓詩曰築城伊洫洫深池也

釋文 玉裁曰韓正字毛作減為洫之假借

匪棘其欲適追來孝

禮器匪革其猶聿追來孝 鄭注革急也猶道也聿述

也言文王之改作者非必欲行己之道乃追述先祖之

業來居此為孝 王應麟曰此韓詩也

釋文匪亟其慾 盧文弨曰猶古通欲周禮小行人猶犯令者大戴禮猶作欲

王公伊濯

韓詩曰濯美也 釋文 按釋詁濯大也韓訓美者則濯為美之大也

自西自東自南自北無思不服

劉向曰聖王修禮文設庠序陳鐘鼓天子辟雍諸侯泮

宮所以行德化詩云鎬京辟雍無思不服此之謂也說苑

修文篇

孔安國曰美武王孝德之至而四方皆來服從孝經傳

孝經子曰昔者明王事父孝故事天明事母孝故事地察孝弟之至通于神明光于四海無所不通詩云云

荀子曰志意定乎內禮節修乎朝法則度量正乎官忠信愛利形乎下故近者歌謳而樂之遠者竭蹶而趨之四海之內若一家通達之屬莫不服從此之謂

人師詩云云儒效篇

考卜維王宅是鎬京

坊記考卜惟王度是鎬京 鄭注度謀也鎬京鎬宮也

言武王卜而謀居此鎬邑龜則吉兆正之武王築成之  
水經渭水東與鎬水合酈注水上承鎬水于昆明池北  
周武王之所都也故詩云云

渭水篇

豐水有芑

禮記注曰芑枸櫞也

按此釋芑為杞與傳箋異蓋韓魯說也

武王豈不仕詒厥孫謀以燕翼子

晏子曰明君必務正其治以事和民然後子孫享之詩

云武王豈不事貽厥孫謀以宴翼子

諫下篇

班彪曰昔成王之為孺子出則周公召公太史佚入則  
泰顛闔天南宮括散宜生左右前後禮無過者故成王  
一日即位天下曠然太平詩云云言武王之謀貽子孫

後漢書本傳



顏師古曰言文王貽其孫以善謀武王以安敬之道遺

其子子謂成王

後漢書班彪傳注

表記子曰中心憺怛愛人之仁也率法而強之資仁者也大雅曰貽厥孫謀以燕翼子數世之仁也國風曰我今不閱皇恤我後修身之仁也

左傳秦伯伐晉遂霸西戎用孟明也君子是以知秦穆之爲君也舉人之周也與人之壹也子桑之忠也其知人也能舉善也詩云貽厥孫謀以燕翼子子桑

有焉

文公三年

文王之什十篇六十六章

詩經廣詁

大雅

詩經廣詁

大雅

敬躋堂經解

桐城徐璈輯錄

生民之什

第二十四

生民

八章

褚少孫曰厥初生民深修益成而道后稷之始也

史記三代

世表又史記周本紀姜原為帝嚳元妃出野見巨人跡忻然踐之居期而生子以為不祥棄之隘巷林中冰上乃收長養之因名曰棄及為成人遂好耕農相地之宜稼穡焉民皆法則之

陳壽曰周人上推后稷以配皇天追述王初本之姜嫄

魏志甄后傳引詩

厥初生民時維姜嫄

韓詩章句曰姜姓嫄字

史記集解或曰諡號也

陳壽曰姜原特立宮廟世世享嘗周禮所謂奏夷則歌

中呂舞大濩以享先妣者詩人頌之云云言王化之本

生民之由也魏志甄后傳

克禋克祀

袁準曰禋者煙氣煙煜也天之體遠不可得就聖人思

盡其心而不知所由故因煙氣之上以致其誠正義

王肅曰精意以享曰禋非燔燎之謂也正義

五經通義曰王者十歲七祭天地后祭高禘亦祭天地

也北堂書鈔九十

以弗無子

御覽以祓無子引鄭記

履帝武敏 時維后稷

韓詩說曰聖人皆無父感天而生正義

史記三代世表曰詩言契后稷皆無父而生按鄭氏武

箋有罔史記  
蓋出魯家也

爾雅釋文曰舍人本履帝武皐云古者姜嫄履天帝之

迹于皐皐之中而生后稷按郊禘之禮天子親往后

三家本言姜嫄從帝祀禘神於皐皐之中而神歆享是

不圻不副無蓄無害

說文曰不圻不副圻裂也

干寶曰古之婦人嘗有圻剖而產者矣又有因產而遇

災害者故美其無害也史記楚世家  
集解引詩

徐堅曰禹高逆生闔母背而出后稷順生不圻不副不

感動母體初學  
記

史記集解不圻不副無災無害



以赫厥靈

王肅曰天以是顯著后稷之神靈正義

誕寘之寒冰鳥覆翼之

王逸曰言姜嫄以后稷無父而生棄之于冰上有鳥以

翼覆薦温之楚詞天問註

曹植曰昔后稷之在寒冰鬪穀之在楚澤咸依鳥馮虎

而無風塵之災本集

徐堅曰牛羊不敢踐鳥以翼覆慶集其身母知其祥乃

收養之長大佐堯位至司馬初學記

初學記鳥翼覆之

克岐克嶷

說文曰克岐克嶷嶷小兒唬也釋文引作小兒有知段玉裁曰嶷者心口間

有所  
識也

菽之荏菽

周禮疏菽之戎菽

禾役稊稊

說文曰禾穎稊稊穎禾末也稊禾采之貌

瓜𦉰𦉰

集韻瓜𦉰𦉰瓜多實貌

說文瓜𦉰𦉰讀詩記董道曰崔集注𦉰作𦉰  
王玉樹曰𦉰說文大笑貌宜作𦉰

弗厥豐草

韓詩曰拂厥豐草拂弗也釋文 瓠按方言云拂拔也  
廣雅並同拔去草而後嘉種

也茂

實方實苞

崔集註實房實苞

讀詩記董氏引

實穎實粟

崔靈恩曰粟成意也

詩集註正義引

卽有郃家室

許慎曰有郃炎帝之後姜姓所封國周棄外家右扶風

鄠縣是也

說文引詩釋文郃后稷所封國在今京兆武功縣

張銑曰郃后稷舊居堯以有功封之於郃使無變改家

室

文選晉紀總論注

白虎通卽有台家室

呂氏春秋注有郃家室

辨士篇錢大

晰曰說文宋鄭本引詩亦無卽字

誕降嘉種維秬維秠

薛君章句曰誕信也

文選註也傳于此篇皆訓爲大薛訓信者

是誕與豐音義通也又廣雅誕信也亦從韓義

孔叢子魏王問子順曰昔者上天神異后稷而為之下嘉穀周以遂興往中山之地無故有穀云天雨之反以亡國何也對曰天雖至神未聞下穀與人詩美后稷大教民種嘉穀以利天下故曰誕降嘉種猶書所謂稷降播種農殖嘉穀皆說種之其義一也

孫氏瑞應圖曰舜時后稷播殖天降秬秠故詩曰天降

嘉種維秬維秠初學記 段玉裁曰一秠二米者后稷

三苗同穗者成王之嘉禾也

說文曰秠一秠二米天賜后稷之嘉穀也

文選注誕降嘉穀說文同

維糜維芑

牧齊堂經解 詩經廣詁 大雅 生民之什



爾雅注曰維葷維芑梁粟也芑白梁粟也釋文

或春或掄

鄭康成曰或春或抗抗扞曰也周官注董道

說文或春或百墨子胥靡婦人以爲春首畢

釋之叟叟

說文曰釋之洩洩洩淘米聲也

爾雅音義浙之溘溘按廣雅溘溘也溘之

烝之浮浮

說文烝之焯焯爾雅焯焯蒸

取蕭祭脂

鄭興曰蕭香蒿也周禮注

引詩

取羝以較

杜子春日詩家說將出祖道為較之祭較讀為別異之

別謂祖道轆較磔犬也

周官注 賈公彥曰 山行曰較 水行曰涉

許慎曰出將有事于道必先告其神立壇四通樹茅以

依神為較既祭較轆于牲而行為範較

說文 引詩

孔頴達曰較祭之牲天子以犬諸侯以羊卿大夫以酒

脯詩云云謂諸侯也

禮記 疏

其香始升

釋文其馨始升

后稷肇祀庶無罪悔以迄于今

表記子曰后祭之祀易富也其辭恭其欲儉其祿及子

孫詩云后稷兆祀庶無罪悔以迄于今 鄭康成注兆

四郊之祭處也迄至也言祀后稷于郊以配天庶以其

無罪悔乎福祿傳世乃至于今按此與箋說亦小異當仍韓魯之義也

志林曰言自后稷以來皆得祭天猶魯人郊祀也吳志注引

詩

行葦八章

列女傳晉弓工之妻曰昔者公劉之行羊牛踐葭葦惻

然為民痛之恩及草木按自劉氏以後若班王寇趙彭曹六家皆以此詩為咏公劉之

事是詩訓之錯見于魯韓者義有同指也

班彪曰慕公劉之遺德及行葦之不傷文選北征賦

王符曰公劉厚德恩及草木牛羊六畜且猶感德潛夫論德

化篇

又曰公劉仁德廣被行葦邊議篇臧鏞堂曰漢人相傳舊說皆以行葦為公劉之

詩

寇榮曰公劉敦行葦世稱其仁

後漢書本傳

趙長君曰公劉慈仁行不履生草運車以避葭葦

吳越春秋

按趙為韓家之學

彭蒙曰體公劉之德行勿翦之惠

蜀志本傳

曹植曰忠厚仁及草木則行葦之詩作

魏志本傳

杜景儉曰周文德及行葦

舊唐書本傳

賈公彥曰行葦詩美成王愛人及于物也

周禮疏

敦彼行葦牛羊勿踐履

谷永曰王者躬行道德承順天道博愛仁恕恩及行葦

漢書本傳

李華曰行葦忠厚王化根源周室仁及草木而愷悌流



乎頌聲文粹七十七

李賢曰言公劉之時仁及草木敦然道傍之葦牧牛羊

無使踐履折傷之况于人乎後漢書冠榮傳注

白帖瞻彼行葦九十

維葉泥泥

張揖曰維葉芄芄芄草盛也釋文廣雅芄芄茂也

潛夫論惟葉梲梲德化篇本或作梲梲

肆筵設席

楚詞章句肆筵設机

嘉穀脾臄

陸德明曰通俗文口上曰臄口下曰脾

釋文嘉穀脾臄董道曰嘉舊作加

敦弓既堅舍矢既均

廣韻曰薄弓天子弓也又作敦

引詩 嚴虞博曰何休云天子雕弓諸侯彤弓

大夫嬰弓士盧弓王者與同姓燕射故舉天子之弓言之

列女傳晉弓工妻曰射之道左手如拒右手如附杖右手發之左手不知詩曰敦弓既堅舍矢既均言射有法也

敦弓既句

說文曰敦弓既毅張弓曰毅

釋文

東京賦彫弓既毅

讀詩記

酒醴維醕

韓詩曰醴恬而不泆也

文選南都賦注

黃耇台背

攷齊經

詩經廣詁

大雅 生民之什

李奇曰王者父事三老兄事五更詩云

漢書禮樂志注

爾雅鮐背

白帖黃髮鮐背

釋文九十曰鮐背

既醉

八章

李樛曰先儒以此詩備五福

既醉以酒既飽以德

坊記子云君子不以非廢禮不以美沒禮故君子苟無禮雖美不食焉詩云云以此示民民猶爭利而忘義

令終有傲

許慎曰傲善也一日始也

說文引詩一邦謗有口爾雅淑善也淑者德之體音許釋

傲為善必

二家舊說

朋友攸攝攝以威儀

左傳衛北宮文子曰言朋友之道必相教訓以威儀也

襄公三

十一年

鄭康成曰攸所也言朋友以禮義相攝正不以貧富貴

賤之利也

禮記引詩注

孝子不匱永錫爾類

李賢曰孝子之行無有匱竭長賜汝之族類教化天下

後漢書濟北惠王傳註李標曰上之人盡其孝道故天下錫之以善也

禮記曾子曰孝有三小孝用力中孝用勞大孝不匱思

慈愛忘勞可謂用力矣尊仁安義可謂用勞矣博施備

物可謂不匱矣

祭義

又坊記子云從命不忿微諫不倦勞而不怨可謂孝矣

詩云云

陸濠初曰永錫爾類蓋祝其代生孝子世世相類耳所謂賢婦亦生孝子如唐氏姑之言也

左傳君子曰頌考叔純孝也愛其母施及莊公詩云



云隱公元年

其類誰何室家之壺

叔向曰類也者不忝前哲之謂也壺也者廣裕民

人之謂也

錢大昕曰傳訓壺為廣讀國語則知昔有此訓蓋家庭之間父子兄弟夫婦各得其所寬

亦有餘是之謂壺 瓠按方言類法也謂子貽法于後而其室家亦能法之也

慎曰壺宮中道

說文引詩

韋昭曰類族類也言孝子之行先于室家族類以相致

乃及于天下也

國語注

王肅曰其善道施于室家而廣及天下

正義孔廣森曰禮有三本先

祖者類之本也故善謂之類不善謂之不作

君子萬年永錫祚允

晉語叔向曰萬年也者令聞不忘之謂也祚允也者子

孫蕃育之謂也

釐爾女士

列女傳釐爾士女

塗山篇

鳧鷖 五章

易林鳧鷖遊涇君子以寧復德不愆福祿來成

大有之離何

楷曰釋祭爾雅夏日復昨此云復德其即復昨之義乎

璈按詩首言在涇後章沙渚澤壘皆承涇言之涇水

源于邠邠之境而易林于繹祭舉夏氏之名則非大王

以後之詩矣楊子雲以洞酌為公劉之詩鳧鷖殆亦公

劉時釋祭之作與又戴震曰幽地在涇之西南詩譜

所謂原隰之野也涇為幽地之川公劉國豳故即所見

以入

咏也

鳧鷖在涇

陸德明曰蒼頡解詁鷖鷖也一名水鵝

釋文

顏師古曰鳧今之野鴨

漢書引詩注

汝寧堂經解

詩經廣詁

大雅 生民之什

九

公尸燕飲

高誘曰尸祭主也尸食飽以知神之食亦飽

淮南子主術訓註引

詩 孔廣森曰鳧鷖既醉並言公尸公尸者先公之尸也生民美后稷此為美公劉蓋亦近之 璩按如孔說則既醉亦為公劉之詩矣

鳧鷖在渚

許慎曰小水入大水曰渚

說文引詩

鳧鷖在薺

韓詩曰薺水流進貌

文選吳都賦注

李賢曰薺者水流夾山間而岸渌若門也金城郡有浩

薺隘

後漢書馬援傳注引詩前漢志注同

公尸來止熏熏

說文曰來止醺醺醉也

釋文

假樂 四章

杜鄴曰文王以之交神于祀子孫千億

漢書郊祀志

王充曰美周宣之德也

論衡藝增篇 璠按王氏引鄒風素絲傳為魯詩則此亦魯說

此大氏漢自元成至章和之世毛序未行魯學為盛如鹽鐵論列女傳說苑新序潛夫論白虎通義論衡所徵引多出魯家也 阮元曰兩漢毛詩晚出其說甚孤公卿大儒多從魯說鄭箋有從魯者亦尊時制也

顏師古曰美成王也

漢書注

假樂君子顯顯令德

禮記嘉樂君子憲憲令德 陸德明曰嘉善也憲憲興

盛之貌詩本與此不同者齊魯韓異也

中庸釋文

宜民宜人受祿于天

董仲舒曰為政而宜于民者固當受祿于天夫仁義禮

智信五常之道王者所為修飭也故受天之祜而享鬼



神之靈德施于方列延及羣生也

漢書本傳

子孫千億

王充曰宣王能順天地祚之子孫眾多至于千億增之

也詩人頌美增益其實

論衡藝增篇

顏師古曰言成王天所保佑子孫眾多也十萬曰億

漢書

成帝紀引詩注

徐堅曰后稷始封至于宣王血脈所達不能千億夫千

與萬數之大名也故尚書言萬國詩言千億

初學記

穆穆皇皇宜君宜王

後漢書註穆穆煌煌

釋文且君且王

段曰趙壹賦且且且侯正用詩句意

不愆不忘率由舊章

董仲舒曰詩云不騫不忘率由舊章舊章者先聖人之

故文章也率由各有修從之也

春秋繁露 郊語篇

杜鄴曰舊章先王法度

漢書郊祀志引詩

趙岐曰愆過也所行不過差矣不可忘者以其循用舊

故文章

孟子注

說苑孔子曰可以與人終日而不倦者其惟學乎可以

聞四方而昭于諸侯者其惟學乎詩云不愆不忘率由

舊章夫學之謂也

建本篇

威儀抑抑德音秩秩

劉向曰謂禮樂也故君子以禮正外以樂正內

說苑修文篇引

詩

率由羣匹

文齊堂經解

詩經廣註

大雅

生民之什

七

董仲舒曰百物皆有合偶偶之合之仇之匹之善矣詩

云云此之謂也春秋繁露

不解于位民之攸暨

左傳鄭子產曰不守其位而能久者鮮矣襄公五年引詩

杜預曰攸所暨息也在上者勤正其位則國安而民息

左傳成公三年引詩注

爾雅某氏注民之攸暨釋詁暨息也

左傳文公四年公如晉及晉侯盟晉侯饗公公賦嘉

樂又襄公二十六年齊侯鄭伯如晉晉侯兼享之晉

侯賦嘉樂國景子相齊侯賦蓼蕭

公劉六章

司馬遷曰公劉雖在戎狄之間復修后稷之業務耕稼

行地利自漆沮度渭取材用行者有資居者有畜積民

賴其慶百姓懷思多徙而往歸焉周道之興自此始故

詩人歌樂思其德史記周本紀司馬貞曰大雅公劉篇是

也索隱按兩司馬之言皆以公劉為當時之作也

何楷曰公劉七月幽人自咏其事周召舉以告成王非詩作于周召之時也

### 篤公劉

釋文王肅云公號劉名也尙書傳云公曾劉名也王基

云公劉字也

### 乃裹餼糧

釋文乃裹糒糧

### 于橐于囊

詩傳曰大曰橐小曰囊史記陸賈傳集解按此引

文齊堂經解詩經廣註大雅生民之什與毛訓正相反



呂向曰大橐小囊皆盛糧食之器也

文選晉紀  
總論註

思輯用光

孟子思戡用光

尙書傳思集用光

爰方啟行

趙岐曰以武備備四方啟道路

孟子注

陟則在巘

釋文陟則在巘

按爾雅小山別大山鮮毛于度其鮮原及此句均用雅訓是巘當作鮮也然

文選西京賦薛綜注山之上大下小者曰巘爾雅重巘巘注云巘也巘與巘音義近薛訓為優矣

鞞琫容刀

顧野王曰上曰鞞下曰琫劍削也刀室也

玉篇引詩

乃觀于京

王肅曰乃見是京而居之可以避水禦亂

正義

其軍三單

王肅曰三單相襲居止則婦女在內老弱次之強壯在

外正

徹田為糧

王肅曰徹治也治其田疇以為糧

正義

易林曰節情省欲賦斂有度家給人足公劉以富

家人之臨

幽居允荒

王肅曰幽國之居信廣大也

正義

于幽斯館

漢地理志右扶風枸邑有幽鄉詩幽風公劉所都也

班固曰周家后稷始封于邠公劉去邠之邠詩云即有

邠家室又曰于幽斯觀周家五遷其意一也皆欲成其

道也

白虎通京師篇引漢宮閣疏云上林苑有蘭觀是觀即館字音亦

讀若館也顧廣圻曰列女傳柘觀外戚傳作柘館並同

取厲取銀

釋文曰取礪取取說文取礪石

王質曰陰密芮城之間至今鐵器皆精唐邠州

貢翦刀火筋之屬厲銀之餘俗也按傳訓銀亦為石與說文同然依今定本讀為銀竈之銀則王義為備也

芮鞫之即

韓詩芮隄之即

漢書志

漢地理志注芮水出汧西北東

入涇詩芮隄雍州川也

按周禮職方氏雍州其川涇納

鄭康成曰納隄之即納在幽地

周禮注陳啟源曰玉篇水外曰坳又隄古岸

也當以此為正鞫借字也

顏師古曰言公劉止其軍旅欲使安靜乃就芮泥之間

也

漢書地理志注

洞酌

三章

楊雄曰公劉挹行潦而濁亂斯清官操其業士執其經

藝文類聚博士箴 漱按生民之什行葦公劉洞酌咏公劉者三篇

洞酌彼行潦

徐錯曰洞遠也當作迴

說文繫傳

可以餽餽

陸德明曰餽一作饋字書云一蒸米也爾雅曰饋餽餽

也孫炎云蒸之曰饋均之曰餽

釋文 葉酉曰行潦之水可以供餽餽濯漑之

用以言天下之人材皆可隨材器使之也 漱按即子雲所謂官操其業士執其經選賢與能之義也

豈弟君子民之父母

表記子曰凱弟君子民之父母凱以強教之弟以說安



之使民有父之尊有母之親如此而后可以爲民父母  
矣

家語孔子曰政莫大乎使民富且壽詩云愷悌君子民  
之父母未有子富而父母貧者也

賢君  
篇

荀子曰詩云愷悌君子民之父母彼君子者固有爲民  
父母之說焉父能生之不能養之母能食之不能教誨  
之君者已能食之矣又善教誨之者也

禮論  
篇

韓詩外傳曰君子者貌恭而行肆身儉而施博故不肖  
者不能逮也殖盡于已而區畧于人故可盡身而事也  
篤愛而不奪厚施而不伐見人有善欣然樂之見人不  
善惕然掩之有其過而兼包之授衣以最授食以多法  
下易繇事寡易爲是以中立而爲人父母築城而居之

別田而養之立學以教之使人知尊親故爲父服斬綌三年爲君亦服斬綌三年爲民父母之謂也

呂覽惠子曰愷者大也悌者長也君子之德長且大者

則爲民之父母父母之教子也豈待久哉不出篇

可以濯漑

王念孫曰漑當作概通禮凡裸專用概疏云黑漆爲尊以朱帶裹腹名概者橫概之義是鬯與概皆尊名故二章言濯鬯三章言濯概也

左傳曰苟有明信澗溪沼沚之毛潢汙行潦之水可薦于鬼神可羞于王公風有采芣采蘋雅有行葦洞

酌昭忠信也

卷阿十章

竹書紀年成王三十二年王游于卷阿

來游來歌

韓詩外傳曰以陳盛德之和而無為也

伴免爾游矣優游爾休矣

王肅曰周道廣大而有文章故君子得以樂逸而來游

優游而休息

正義

似先公會矣

爾雅注嗣先公爾會矣

蕝祿爾康矣

爾雅注祱祿康矣

按方言福祿謂之祱

如圭如璋

徐幹曰如珪如璋珪璋以喻其德貫不變也

中論

令聞令望

荀子令問令望文選注爾雅疏同

翾翾其羽

陸德明曰翾翾說文羽聲也字林飛聲也釋文

說苑噦噦其羽

藹藹王多吉士維君子使媚于天子

許慎曰藹藹臣盡力之美說文引詩陳啟源曰七八章兩言藹藹謂庶僚竭力也

釋訓藹藹濟濟臣盡力也

王逸曰藹藹盛多貌楚詞注引詩

說苑魏文侯封太子擊于中山三年使不往來舍人

趙倉唐奉北犬晨晷往見文侯稱詩文侯大喜乃出

少子擊而復太子擊故欲知其子視其友欲知其君

視其所使趙倉唐一使而文侯為慈父擊為孝子詩



有跡室系解  
日藹藹王多吉士維君子使媚于天子舍人之謂也

奉使  
篇

鳳皇鳴矣于彼高岡梧桐生矣于彼朝陽

高誘曰雄曰鳳雌曰皇三代來至門庭周室至于山澤

詩云鳳皇鳴矣于彼高岡此之謂也

呂覽注

初學記梧桐生矣于彼高岡鳳皇鳴矣于彼朝陽

論衡同

按毛傳以葦萋釋梧桐雌喑釋鳳鳴則經文當以論衡初學記所引為正今本當由唐定本以後倒其次也

葦葦萋萋雌雌喑喑

王充曰禮記瑞命篇雄曰鳳雌曰皇雄鳴曰即即雌鳴

曰足足瑞命之言即即足足詩云喑喑喑此聲異也

論衡講瑞篇 易林  
觀之乾詞奉奉萋萋

民勞

五章

杜預曰周厲王暴虐民勞于苛政故詩人刺之

左傳昭公二十年

注年

汜可小康

許慎曰汜水澗也

說文引詩

李賢曰汜其也康安也

後漢書班超傳注引詩

劉良曰汜已也

文選三都賦注引詩

漢書迄可小康

盧文弨曰爾雅畿汜也疏引詩同

惠此中國以綏四方

左傳君子曰不失賞刑之謂也

僖公二十八年引詩

又昭公二十年仲尼曰政寬則民慢慢則糾之以猛猛

則民殘殘則施之以寬寬以濟猛猛以濟寬政是以和

詩云云施之以寬也

荀子曰川淵深而魚鼈歸之山林茂而禽獸歸之刑政  
平而百姓歸之禮義備而君子歸之禮及身而行修義  
及國而政明令行禁止王者之事畢矣詩云云此之謂  
也

致仕  
篇

淮南子曰聖王在上廓然無形寂然無聲宮府若無事  
朝廷若無人無隱士無軼民無勞役無冤民四海之內  
莫不仰上之德象主之指夷狄之國重譯而至非戶辨  
而家說之也推其誠心施之天下而已詩曰惠此中國  
以綏四方內順而外寧矣

秦族  
訓

無縱詭隨以謹無良

左傳毋從詭隨 杜注詭人隨人無正心不可從

年

昭公  
二十

李賢曰言詭誑委隨之人不可縱宜卽罪之用謹敕不

善之人也

後漢書陳忠傳注

潛夫論以謹是良

述教篇張畊曰四家之詩師異指殊故字多不同

陳忠曰輕者重之端小者大之源

廣雅詭隨小惡也

故隄潰

蟻穴氣洩鍼芒是以明者慎微智者識幾詩云云蓋

所以崇本絕末鈎深之慮

錢澄之曰據此則謂詭隨不禁必至無良後漢書本傳

式遏寇虐慴不畏明

左傳曰詩云云糾之以猛也

昭公二十年

說文曰晉不畏明晉會也

段曰詩胡慴莫懲慴莫懲嗟慴不知其故皆宜作晉

家語慘不畏明

左傳同

柔遠能邇以定我王

左傳曰詩云云平之以和也

昭公二十年



杜預曰遠者懷附近者各以能進則王室定左傳注

釋文柔遠能邇

以謹愔愔

周禮注以謹謹曉

敬慎威儀以近有德

徐幹曰容貌者人之符表也符表正故情性治情性治故仁義存仁義存故盛德著盛德著故可以為法象斯謂之君子矣詩云云中論

左傳昭公二年叔弓聘于晉晉侯使郊勞辭致館又辭叔向曰子叔子知禮哉吾聞之忠信禮之器也卑讓禮之宗也詩曰敬慎威儀以近有德夫子近德矣

板八章

李固曰刺周王變祖法度使下民盡病也後漢書本傳

鄭康成曰此君使民惑之詩禮記注

上帝板板下民卒瘁

李巡曰上帝版版版版失道之僻也爾雅釋文

緇衣子曰上人疑則百姓惑詩云上帝板板下民卒瘁

故君民者章好以示民俗慎惡以御民之淫則民不惑

矣釋文沈重注亦作卒瘁

韓詩外傳下民瘁瘁

猶之未遠是用大諫

左傳是用大簡杜注簡諫也言王圖事不遠故用大

道諫之成公八年荀子魏志諫俱作簡

列女傳猷之未遠

文齊堂經解詩經廣註大雅生民之什

天方蹶無然泄泄

說文曰無然噍噍多言也

又言部引作噍噍氏答問曰說文引詩作

泄泄訓為多言而爾雅以憲憲泄泄為制法則蓋多言之人恆好改制以先王之道為不足法而迎合時君之指作法以病民王念孫曰此合爾雅說文之訓于孟子荀子泄亦作譚解蔽篇曰辨利非以言是則謂之泄楊注譚泄多言也杏作諮正名篇曰愚者之言諮諮而

趙岐曰天謂王者蹶動也言天方動汝無敢沓沓

孟子注

辭之鞫矣

說苑辭之集矣

新序同

說文詞之駢矣

民之洽矣

列女傳民之協矣

左傳同

辭之懌矣民之莫矣

左傳叔向曰辭之不可已也子產有辭諸侯賴之若

之何其釋辭也詩云襄公三十一年

說苑子貢日出言陳辭身之得失國之安危也詩云

辭之釋矣民之莫矣夫辭者人之所以通也善說篇

及爾同僚

左傳文公七年晉先蔑使秦逆公子雍荀林父止之

曰同官為寮吾嘗同寮敢不盡心乎弗聽為賦板之

三章

聽我鸞鸞

潛夫論聽我敖敖按傳鸞同誓此作敖字之省也又廣雅鸞鸞虛也虛者聽之為若弗聞也

先民有言詢于芻蕘

鄭眾曰詢謀也周官注引詩



鄭康成曰先民謂上古之君也芻蕘謂下民之事也禮記

坊記子曰上酌民言則下天上施故君子信讓以蒞百姓則民之報禮重詩云云

荀子曰迷者不問路溺者不問遂亡人好獨詩云云言

博問也大畧篇

韓詩外傳曰獨視不若眾視之明也獨聽不若眾聽之聰也獨慮不若眾慮之切也詩云云取謀博也

賈山曰文王之時芻蕘採薪之人皆得盡其力此周之

所以興也漢書本傳引詩

說苑曰泰山不讓壤石江海不逆小流所以成大也詩

云云言博謀也尊賢篇

桓寬曰多見者博多聞者知距諫者塞專已者孤故謀

及下者無失策舉及下者無頓功詩云詢于芻蕘鹽鐵論刺

議篇

老夫灌灌小子躑躑

劉向曰言老夫欲盡其謀少者驕而不受也新序

列女傳小子矯矯杞梁妻篇 郝云此所引蓋亦魯詩

多將煇煇不可救藥

說文曰煇煇火熱也引詩

韓詩外傳曰重臣羣下者人主之心腹支體也心腹支

體無疾則人主無疾矣故非有賢醫莫能治也詩云多

將煇煇不可救藥終亦必亡而已矣故賢醫用則眾庶

無疾况人主乎

劉向曰死者不可藥而生亂君之治不可藥而正詩云

云甚之之辭也

說苑辨物篇

說文繫傳多將嗃嗃

爾雅謔謔謔謔謔崇讒慝也

天之方濟無為夸毗

爾雅釋訓夸毗體柔也

後漢書崔駰傳注夸毗謂佞人足恭善為進退

姚範曰隋書

何妥傳莫不用短即便夸毗邀射名譽厚相誣罔是夸大毗附之意不與毛鄭同也

威儀卒迷善人載尸

徐幹曰君子者行不媮合立不易方不以天下枉道不

以樂生害仁安可以祿誘哉雖強執搏之而不獲已亦

杜口佯愚苟免不暇國之安危將何賴焉詩云云此之

謂也

中論王應麟曰善人載尸裴度之晚節也

民之方殿屎

說文民之方唵

錢澄之曰魯詩世學作塾

喪亂蔑資曾莫惠我師

劉向曰相亂蔑資曾莫惠我師此傷奢侈不節以為亂

者也

說苑

天之牖民如堦如筮

風俗通曰天之誘民如堦如筮堦燒土長三寸六孔筮

管樂長尺一寸十孔

牖民孔易

樂記子夏曰為人君者謹其所好惡而已君好之則臣為之上行之則民從之詩云誘民孔易此之謂也

韓詩外傳曰聖王之教其民必因其情而節之以禮必從其欲而制之以義義簡而備禮易而法去情不遠故



民之從命也速詩云誘民孔易非虛辭也

裴駟曰誘進也言民從君所好惡進之于善無難也

樂書引誘民孔易集解

民之多辟無自立辟

文選注民之多僻無自立辟僻邪也辟法也

思元賦覽蒸民之多

僻兮畏立辟以危身舊注引詩

价人維藩

許慎曰价善也

說文引詩

顏師古曰以善為藩籬謂封周公康叔于魯衛也

漢書注

爾雅注介人維藩

漢書注同

大師維垣

顏師古曰以大師為牆垣謂封太公于齊也

同前

荀子曰君人者愛民而安好士而樂兩者無一焉而亡

詩云介人維藩大師維垣此之謂也君道篇 荀引詩以士民分

屬則介人為介節之士大師為大眾與箋異訓而義為賅備矣

### 大邦維屏

韓愈曰諸侯之于天子不惟守土地奉職貢而已固將

有以翰屏之也文粹七十 八引詩

### 懷德維寧

顏師古曰懷和也能和其德則天下安寧同前

### 宗子維城

張銑曰維連也言宗子連城封之以助京室也文選晉紀總論

注

左傳晉侯使士蔦為二公子築蒲與屈不愼寘薪焉公

使讓之對曰詩云懷德維寧宗子維城君其修德而固

宗子何城如之

僖公五年李光地曰宗子繼宗即天子故以城歸之大師大邦大宗价人皆

所以衛宗子也

班固曰昔周監二代三聖制法立爵五等封國八百同

姓五十有餘詩載其制曰价人維藩至無獨斯畏所以

親親賢賢褒表功德關諸盛衰深根固本為不可拔者

也故盛則周邵相其治致刑措衰則五霸扶其弱與其

守自幽平之後日以凌夷故天下謂之共主强大弗之

敢傾歷載八百既于王赧尚猶枝葉相持莫得居其虛

位漢書諸侯王年表序

敬天之怒無敢戲豫

蔡邕曰畏天之怒不敢戲豫天戒誠不可戲也

後漢書又後

漢紀丁鴻疏引詩同 又左傳不  
敢戲豫不敢馳驅無並作不同

後漢書敬天之威楊秉傳  
詩攷

及爾游衍

釋文及爾游羨

生民之什十篇六十五章



詩經廣註

大雅

諷六十五章

詩經廣詁 大雅

敬躋堂經解

桐城徐璈輯錄

蕩之什 第二十五

蕩 八章

疾威上帝其命多辟

說苑曰公生明偏生暗端慤生達詐偽生塞誠信生神  
夸誕生惑此六者君子之所慎而禹桀之所以分也詩  
云疾威上帝其命多僻言不公也 至公篇  
靡不有初鮮克有終

班固曰言人行終始不能若一故據其終始從可知也

白虎通  
諡法篇

韓詩外傳曰官怠于宦成病加于小愈禍生於懈怠孝  
衰于妻子察此四者慎終如始詩云云

曾是疆禦

漢書注曾是疆圍

王念孫曰禦亦疆也字或作圍逸周書諡法威德剛武曰圍春秋繁露其

強足以覆過其禦足以犯詐史記周本紀集解疆禦謂強暴也疆禦與措克相對二字皆平列也

天降惇德

唐石經天降惇德

流言以對寇攘式內

劉向口言不善之自內出也

列女傳引詩

侯作侯祝

釋文侯詛侯祝

集傳作讀為詛

女魚然于中國

說文繫傳咆哮于中國魏都賦作咆然劉註引詩

不明爾德時無背無側爾德不明以無陪無卿

韓詩外傳曰言文王咨嗟痛殷商無輔弼諫諍之臣而

亡天下矣

漢書五行志曰視之不明是謂不愆詩云爾德不明以

亡陪亡卿不明爾德以亡背亡仄言上不明暗昧蔽惑

則不能知美惡親近習長同類亡功者受賞有罪者不

殺百官廢亂也顏註言不別善惡有逆背傾側者有堪為卿大夫者皆不知之也臧珠曰二

句分說善惡較毛鄭為勝

天不酒爾以酒

韓詩曰飲閉門不出客曰酒釋文

薛章句曰齊顏色均眾寡謂之流初學記閉門不出客



謂之酒文選魏都賦七命注

又曰夫飲之禮不脫屨而即序者謂之禮跣而上坐者

謂之宴能飲者飲之不能飲者止謂之醜君子可以宴

可以醜不可以沈不可以酒初學記

式號式呼俾晝作夜

班伯曰沈酒于酒微子所以告去也式號式諄大雅所

以雷連也詩書淫亂之戒其原皆在于酒漢書本傳

劉向曰人之有鬪比之狂惑疾病詩云云言鬪行也說文

貴德篇 傲按劉氏述詩以為鬪蓋因汗飲而忿爭亦飲食之訟也

如蜩如蟬如沸如羹

班固曰言上無號令不順民心虛譁憤亂則不能治海

內漢書五行志引詩

顏師古曰謂政無文理虛言尊嗜如蝮蟪之鳴湯之沸

涓羹之將孰也

五行志注班顏則謂政

敬按此章箋仍承飲酒言令殆屬魯義為貶備也

白帖如蝮如螳

胡文英曰如螳謂螳螂也

內異于中國

劉逵曰內蠱于中國不飲酒而怒曰蠱

文選二京賦注

呂向曰蠱奮也

文選三都賦注引詩

曾是莫聽大命以傾

劉向日諫諍輔弼之人社稷之臣也明君好問闇君好

獨明君上賢使能而享其功闇君畏賢妬能而滅其業

罰其忠而賞其賊夫是之謂至闇桀紂之所以亡也詩

云云此之謂也

說苑

枝葉未有害本實先撥

韓詩外傳曰根淺則枝葉短本絕則枝葉枯詩云云言禍福自己出也

列女傳本實先敗東郭姜篇

殷鑒不遠在夏后之世

國語王子晉曰天所崇之子孫或在畎畝由欲亂民也  
畎畝之人或在社稷由欲靖民也詩云殷鑒不遠近在夏后之世

韓詩外傳曰明鏡者所以照形也往古者所以知今也  
前車覆而後車不誠是以後車覆也故夏之所以亡者而殷為之殷之所以亡者而周為之故殷可以鑒于夏而周可以鑒于殷詩云云

劉向曰言湯以桀為戒也聖帝明王常以敗亂自戒不

諱廢興

漢書本傳引詩

杜欽曰刺戒者至迫近而省聽者常怠忽可不慎哉

漢書

本傳引詩

王符曰與死人同病者不可生也與亡國同行者不可

存也豈虛言哉

潛夫論忽賢篇引詩

抑十二章

楚語左史倚相曰衛武公作懿戒以自儆也 韋昭注

懿讀曰抑大雅抑之篇也

韓詩翼要曰衛武公刺王室亦以自戒行年九十有五

猶使人日誦是詩而不離于其側

正義錢澄之曰謂之日誦者蓋作之久矣

矣

楊士勛曰抑刺厲王之詩也

穀梁傳疏為刺厲王

按序以此詩閣若璩曰武



公之立上距厲王流彘之時已三十年序者以前後諸詩皆刺厲王故同之也 又按韓家云刺王室亦不云厲王也

抑抑威儀維德之隅

顏師古曰言有密靜之德審于威儀則其持心有廉隅

漢書馮野

王傳注

又曰隅謂得道德之一隅也

敘傳注

漢劉熊碑惟德之隅

隸釋

人亦有言靡哲不愚

淮南子曰凡有道德者應卒而不乏遭難而能免故天下

貴之今知所以自行也而未知所以為人行也其所論

未之究者也人能由昭昭于冥冥則幾于道矣詩曰人

亦有言無哲不愚此之謂也

人間訓篇

無競維人

高誘曰無競競也國之強維在得人呂氏春秋引詩注

有覺德行四國順之

緇衣子曰長民者章志貞教尊仁以子愛百姓民致行

已以說其上矣詩云有棫德行四國順之鄭注棫太也直也

董仲舒曰覺者著也王者有明著之德行則四方莫不

風化響應于善矣春秋繁露引詩

孔安國曰覺直也言先王行正直之德則四方衆國皆

順從法則之孝經傳

王逸曰覺較也楚詞注引詩 璩按較謂較然明白也義與董訓近

杜預曰有覺較然正直也左傳叔向日祁大夫外舉不棄讎內舉不失親其獨遺我

乎詩云云夫子覺者也 襄公二十年

新序齊桓公下布衣之士諸侯相率而朝靡有不至

詩云云

雜事篇

遠猶辰告

韓詩外傳遠猷辰告

敬慎威儀維民之則

左傳衛北宮文子曰有威而可畏之謂威有儀而可象之謂儀君有君之威儀其臣畏而愛之則而象之故能有其國家令聞長世臣有臣之威儀其下畏而愛之則而象之故能守其官職保族宜家順是以下皆如是是以上下能相固也詩曰敬慎威儀惟民之則民所不則以在民上不可以終

襄公三十一年

匡衡曰欽翼祇栗事天之容也溫恭敬遜承親之禮也正躬嚴恪臨衆之儀也嘉惠和悅饗下之顏也舉錯動

則則物遵其儀故形爲仁義動爲法則孔子曰德義可  
遵容止可觀進退可度以臨其民是以其民畏而愛之  
則而象之大雅曰敬慎威儀維民之則

漢書本傳

荒湛于酒

韓詩外傳荒湛于酒 漢書五行志荒沈于酒

夙興夜寐酒埽庭內維民之章

韓詩外傳子路治蒲三年孔子過而善之曰入其境  
田疇草萊甚闕此恭敬以信故民盡力入其邑墉屋  
甚尊樹木甚茂此忠信以寬故民不偷入其庭甚閒  
此明察以斷故民不擾也詩云云

弓矢戎兵用戒戎作用邊蠻方

王符曰詩云脩爾輿馬弓矢戈兵用戒作則用逃蠻方



故兵之設久矣涉歷五代以迄于今國未嘗不以德昌

而以兵強也

潛夫論勸將篇按箋邊當作別

質爾人民

鹽鐵論誥爾人民 韓詩外傳告爾人民 爾雅注質

爾民人

謹爾侯度用戒不虞

傅亮曰慎爾侯度用戒不虞言防萌也

晉書本傳按左傳及此引詩

皆作慎今集傳正義本皆作謹豈集傳緣避宋諱而傳箋本亦宋刻改之耶

左傳鄭公孫黑肱有疾歸邑于公曰吾聞之生于亂

世貴而能貧民無求焉可以後亡生在敬戒不在富

也君子曰詩云慎爾侯度用戒不虞鄭子張有焉

襄公

二十二年

慎爾出話敬爾威儀

緇衣子曰君子道人以言禁人以行故言必慮其所終  
而行必稽其所敝則民謹于言而慎于行詩云云

白圭之玷尚可磨也斯言之玷不可為也

緇衣子曰言從而行之則言不可失也行從而言之則  
行不可飾也故君子寡言而行以成其信詩云云

說文曰白圭之刮刮缺也

臧琳曰詩本作刮从刀後人以文連白圭改刀从玉矣

皇侃曰白玉有玷缺尚可磨治令其全好若人言忽有  
瑕玷則駟馬不及故云不可為也

論語義疏

史記白圭之玷猶可磨也

大戴禮子曰獨居思仁公言思義其聞詩也一日三

復白圭之玷是南宮縚之行也

家語史記弟子列傳並同

劉向曰口者關也舌者機也出言不當四馬不能追也口者關也舌者兵也出言不當反自傷也故蒯子羽曰言猶射也括既離弦雖有所悔焉不可從而追

已詩云云

說苑談叢篇

無易由言無日苟矣

韓詩外傳曰無類之說不贊之詞君子慎之詩云云

無言不讎無德不報

顏師古曰無言不讎讎對也賞當其言也無德不報言

受人之德必有報也

漢書注

表記子曰以德報德則民有所勸以怨報怨則民有所

懲詩云云

列女傳曰名無細而不聞行無隱而不彰詩云無言不

〔醜〕無德不報此之謂也周忠

墨子曰大雅之所道曰無言而不讎無德而不報投我

以桃報之以李此言愛人者必見愛也而惡人者必見

惡也兼愛

韓詩外傳無言不酬藝文類聚無言不〔讒〕鄭箋

漢書亡德不報

子孫繩繩

韓詩外傳子孫承承釋文子孫〔繩〕方以智曰爾雅

邢疏引子孫繩繩小心戒慎也

尚不愧于屋漏

漢書上不愧于屋漏劉向

不愆于儀



春 緝 解  
緇衣不詈于儀段曰詈籀文又左傳襄三十年引詩淑慎爾止下有無載爾偽語杜以為逸詩  
不僭不賊鮮不為則

左傳秦公孫枝曰唯則定國詩云云無好無惡不忌不

克之謂也

僖公九年

又趙文子曰詩云云信也能為人則者不為人下矣

昭公

元年

荀子曰君子率道而行端然正己不為物傾側夫是之

謂誠君子詩云云此之謂也

非相篇

杜預曰僭過也差也賊傷害也言能不然則可為人法

則左傳注

投我以桃報之以李

桓寬曰詩云云未聞美往而以惡來也

鹽鐵論引詩

荏染柔木

白帖荏苒柔木

按文選注荏苒歲月流貌言此柔木歷歲月長茂則可為弓幹柔木歷桑之

類

温温恭人維德之基

表記子曰恭寡過情可信儉易容也以此失之者不

亦鮮乎詩云云

荀子曰天子不視而見不聽而聰不慮而知不動而

功塊然獨坐而天下從之如一體如四服之從心夫

是之謂大形詩云云此之謂也

君道篇

告之話言

釋文告之話言

段云陸氏所據未誤本

於乎小子未知臧否

薛章句曰鳴歎詞也

文選陸機詩注

王逸曰詩人怨主刺上曰鳴呼小子未知臧否匪面命

之言提其耳風諫之語于斯為切仲尼論之以為大雅

楚詞章句序 璦按淮南子曰衛武侯謂其臣曰小子無謂我老而羸我有過必謁之高註武侯蓋年九十五矣據此則小子是呼其臣下之詞示事提耳則所謂有過必謁之也

匪手攜之 匪面命之

說文繫傳匪面命之言示之事匪口誨之言其提耳

卷三

口部

誨爾諄諄聽我藐藐

禮記註誨爾恇恇

尚書大傳註誨爾純純聽我匪匪

淮南子註聽我邈邈

借曰未知

漢書藉曰未知

林國語楚左史倚相曰昔武公年數九十有五矣猶箴  
傲于國曰自卿以下至於師長士苟在朝者無謂我  
老耄而舍我必恭恪于朝朝夕以交戒我聞一二之  
言必誦志而納之以訓道我在輿有旅賁之規位宁  
有官師之典倚几有誦訓之諫居寢有褻御之箴臨  
事有瞽史之道宴居有師工之誦史不失書矇不矢  
誦以訓御之于是乎作懿戒以自儆也

桑柔 十六章

左傳曰周芮良夫之詩

文公元年 陳啟源曰良夫芮伯名逸周書有芮良夫篇

王符曰周厲王好專利芮良夫諫而不入退賦桑柔之

詩以諷

潛夫論 竹書紀年厲王八年初監謗芮伯良夫戒百官于朝



倉兄填兮

釋文倉况填兮

四牡駢駢旃旒有翩

桑許慎曰駢駢馬行盛威儀也

說文引詩

韋昭曰翩翩動搖不休止之意

周語引詩注

國步斯頻

說文曰國步斯曠曠恨張目也

靡所止疑

詩考補遺引曹氏詩說云疑齊詩作凝

誰生厲階至今為梗

杜預曰階道梗病也

左傳注

左傳昭公二十四年楚子為舟師以略吳疆吳人踵

楚而邊人不備遂滅巢及鍾離而還沈尹戌曰亡郢  
之始於此在矣詩曰誰生厲階至今為梗其王之謂  
乎

誨爾序爵

鄭康成曰謂教之以善否之次第也

周官注

誰能執熱逝不以濯

左傳北宮文子曰詩云云禮之于政如熱之有濯也濯

以救熱何患之有

襄公二十一年

墨子曰詩云告女憂卹誨女序鬱誰能執熱鮮不用濯

則此語古者國君諸侯之不可以不執善承嗣輔助也

譬之執熱之有濯也將休其手焉

尚賢篇 玃按序鬱句與憂卹句對言序

鬱者謂宣序幽鬱猶卹詩所云寫憂也誨之有道即下文執熱用濯之方也墨子所引當為詩本字後乃訛作

也

劉喬曰誰能執熱逝不以濯若誠濯之必無灼爛之患

永有泰山之固矣

晉書本傳

其何能淑載胥及溺

韓詩外傳曰美材也而不聞君子之道隱小物以害大物者災必及身矣詩云云

趙岐曰淑善載詞也刺時君臣何能為美乎但相與為

沈溺之道也

孟子注

如彼邇風

文選注如彼愬風

月賦注 錢大昕曰袁宏賦感不絕于予心愬流風而獨寫正用此詩

亦孔之僂

徐鍇曰亦孔之烝烝也氣咽也向風而行則氣烝也

也 說文

繫傳

靡有旅力以念穹蒼

韓詩外傳曰民勞思佚治暴思仁刑危思安國亂思天

詩云云

玃按旅陳靡無也言臣子無有陳力之處但相與念穹蒼耳太史公云人窮則反本疾痛慘怛未嘗不呼父母勞苦思難未嘗不呼天有如詩意矣

自獨俾臧

高誘曰自智謂人愚自巧謂人拙

呂覽智度篇引詩注

陸贄曰詩云惟彼不愼自獨俾臧言自用也

文粹一十五

自有肺腸俾民卒狂

劉勰曰芮良夫之詩云云夫心險如山口壅若川怨怒

之情不一歡譖之言無方

文心雕龍諧隱篇

牲牲其鹿

牧齊詩經解

詩經廣詁

天雅

蕩之什

七



許慎曰牲牲衆生竝立之貌說文引詩

五經文字說其鹿玉篇說牲說通用

匪言不能胡斯畏忌

徐幹曰酒食人之所愛也而人相見莫不進焉不吝于所愛者以彼之嗜之也使嗜者甚于酒食人豈愛之故忠言之不出以未有嗜之者也詩云云

漢書胡此畏忌

民之貪亂寧為荼毒

荀子曰凡人莫不欲安榮而惡危辱惟君子為能得其所好小人則曰微其所惡詩云云儒效篇

韋昭曰寧安也荼苦也言民病王之虐貪樂禍亂安為

荼毒之刑周語注

征以中垢

韓詩外傳曰往以中垢闇行也按闇行謂所行者闇昧不光明此不順之實也

大風有隧貪人敗類

韓詩外傳曰福生于無為而患生于多欲夫土地之產不益山澤之出有盡懷不富之心而求不益之物挾百倍之欲而求有盡之財是桀紂之所以失其位也詩云云

王符曰言是大風也必將有遂是貪民也必將敗其類

潛夫論過利篇 何楷曰周語厲王虐國人謗王王怒得衛巫使監謗者詩匪言畏忌蓋卽監謗事又厲王說榮夷公芮良夫曰榮公好專利而不

知大難詩貪人敗類蓋卽斥榮公也  
杜預曰隧蹊徑也言貪人之敗善類若大風之毀壞衆

物文公元年注

爾雅註泰風有墜

華希濂曰爾雅西風謂之泰風泰風秋風也草拂色變木遭葉脫所以與

不順與敗類也

按淮南子注墜墮也言

御覽泰風有墜

按此與爾雅注所引同墜即作墜無煩轉訓矣

聽言則對誦言如醉

杜預曰言昏亂之君不好典誦之言聞之若醉得道聽

塗說之言則喜而對答

左傳注

漢書賈山傳聽言則對譖言則退

顏師古注言而

見聽則悉意對答不見信受則屏退也今詩云聽言

則對誦言如醉又別為義也

反予來赫

釋文反予來嚇

文選注拒人曰嚇



職涼善背 涼日不可

考文職諒善背

諒日不可

按此當依箋本若傳訓薄依廣雅字又作菟矣

雲漢

八章

董仲舒曰周宣王時天下旱歲惡甚王憂之其詩云云

春秋繁露

論衡治期篇曰詩道周宣王遭大旱矣

劉孝標

辨命論曰周宣祈雨圭璧斯罄

薛章句曰宣王遭亂仰天也

文選注稽古編小雅宣王詩十四篇大雅宣王詩

六篇

皇甫謐曰宣王元年天大旱王遇災而懼整身脩行祈

于羣神六月乃得雨大夫仍叔美而歌之

帝王世紀御覽八十五

倬彼雲漢

許慎曰倬箸大也

說文引詩

龍龕手鑑曰倬詩云明貌也



韓詩對彼雲漢

文選注 可均曰對彼雲漢對當為荀據荀彼甫田知之

饑饉薦臻

春秋繁露饑饉游臻

圭璧既卒

韓詩內傳曰天子奉玉升柴加于牲上

郊特牲正義

寧莫我聽

荀悅曰災祥之報或應或否故稱洪範咎徵則有堯湯

水旱之災稱消災復異則有周宣雲漢寧莫我聽

漢紀

蘊隆蟲蟲

韓詩鬱隆炯炯

釋文 曹文昭曰華嚴音義引韓詩傳曰炯謂燒草傳火焰盛也

釋

文煜隆燭燭

爾雅燭燭薰也郝云燭本字燭亦俗體字

上下莫瘞靡神不宗

劉向曰言疾旱也

說苑君道篇引詩

許懋曰上祭天下祭地奠其幣瘞其物以此而言為旱

而祭天地並有瘞埋之文而無燔柴之說

梁書本傳武帝降勅問凡

求陰陽各從其類今雩祭燔柴以火求水意以為疑懋引詩答云云

后稷不克上帝不臨

董仲舒曰宣王自以為不能乎后稷不中乎上帝故有

此災有此災愈恐懼而謹事天

春秋繁露引詩璠按不能不中以一人言之

故下句寧丁我躬亦謂使一人當此災可也臨義訓中蓋古有此釋矣鄭箋克當作刻

耗斁下上

辭君章句曰耗惡也

後漢書后妃紀注

春秋繁露耗射下土說文耗殫下土

周餘黎民靡有子遺

趙岐曰志在憂旱災民無子然遺脫不遭旱災者非無

民也

孟子注

王充曰詩云維周黎民靡有子遺是謂周宣之時遭大旱之災民被其害而言靡有子遺增益其文欲言旱甚

也

論衡藝增篇

徐堅曰詩人傷旱之甚民被其害言無有子遺一人不

愁痛者

初學記

滌滌山川

韓詩傳曰湯時大旱禱于山川以六事謝過自責曰政不一歟民失職歟宮室崇歟婦謁盛歟苞苴行歟讒夫

倡歟

何休公羊解詁

說文曰薇薇山川薇旱甚也

廣韻薇薇草木旱死也

旱魃為虐

韋曜詩答問曰天有常神人死為鬼不審旱氣生魃奈

何曰魃鬼人形眼生頂上天生此物則將旱天欲為災

何所不生而有常神耶藝文類聚 吳任臣曰神異經

頂上行走如風見則大旱魏書咸平五年晉陽得死魃長二尺面頂各二目通考永隆元年長安獲女魃長尺

寸有二

如燠如焚

韓詩如炎如焚後漢章帝紀注釋文如燠如焚臧云謝文焚燒田也作焚

誤

我心憚暑

韓詩曰憚苦也釋文

白帖我心瘳暑敢按論衡形中有五常有瘳熱之病是瘳為熱瘳言我心既病熱而遭旱暑益

大齊堂經解 詩經廣詁 大雅 蕩之什 七



甚也

胡寧瘖我以旱

韓詩曰瘖我以旱瘖重也

釋文

敬恭明神

文選注敬恭明祀

按陸士衡詩駕言巡明祀衛覬碑敬恭明祀以奉皇靈皆用詩語也

靡人不周

衆經音義曰靡人不周以財與人曰周

敬按周當為韓詩字箋云周當

作周從

韓義也

云如何里

釋文云里本作瘖爾雅作惺惺憂也

何楷曰里即道里言天高而不能聽

卑也

有嘒其星

說文曰有讒其聲讒聲也

段玉裁曰此蓋三家詩也

王充曰成湯遭旱周宣亦然然而成湯加成周宣加

宣無妄之災不能虧政

論衡二十

應璩書曰頃者炎旱日更增甚沙磧消鑠處高臺而

有鬱蒸之煩浴寒冰而有灼爛之患宇宙雖廣無陰

以憇雲漢之詩何以過此

文選

賈公彥曰凡邦之大裁則歌哭而請雲漢之詩是也

周官疏

姜炳璋曰晉穆帝大雩歌雲漢之詩梁武帝十五年祈雨舞僮為入列每列歌雲漢一章後魏

和平元年雩旱選伎工歌雲漢皆以雲漢為雩祭之樂章也

崧高

八章

王符曰周宣王時輔相大臣以德佐治亦獲有國故尹

吉甫作封頌二篇言申伯山甫文德致昇平而王封以

樂士賜以盛服也

潛夫論三式篇 錫申伯命

李耆曰史記申乃侯爵

以其為方伯故謂之申伯按王氏謂為輔相大臣蓋亦以牧伯言矣

郝敬曰雲旱遇災明格天之德崧高贈

行著親賢之禮

崧高維嶽駿極于天

應劭曰嵩高維嶽中央曰嵩高高者高也在潁川陽城

縣

風俗通

孔穎達曰崧然而高者維是五嶽

禮記疏

禮記嵩高維嶽峻極于天

劉勰曰言峻則嵩高極天論狹則河不容舠說多則

子孫千億稱少則民靡子遺文詞所被夸飾恆存故

曰不以文害辭不以辭害意可也

文心雕龍夸飾篇

生甫及申 維周之翰

鄭康成曰翰幹也言周道將興五嶽為之生賢輔佐仲

山甫及申伯為周之幹臣

禮記注 按箋謂申伯甫侯與記注不同 錢澄之曰劉

陶云周宣用申甫以濟夷厲之難此詩並稱乃統為二詩發端耳 嚴可均曰鄭以生甫及申為仲山甫申伯蓋韓詩也

張衡曰申伯樊仲實幹周邦

本傳 後漢書注申伯及仲山甫並周之卿士

李康曰詩云云

惟嶽降神四句

運命之謂也

文選運命論

禮記孔子閒居曰清明在躬志氣如神耆欲將至有

開必先 天降時雨山川出雲其在詩曰云云

首章此八句

文武之德也

嚴粲曰謂文武之德施及後世故天生申甫以佐中興

王纘之事

韓詩曰王踐之事踐任也

釋文 郝云中庸踐其位鄭注踐或為纘

潛夫論王薦之事



于邑于謝南國是式

潛夫論曰于邑于序南國為式申城在南陽宛北序山

之下宛西三十里有呂亭志氏姓篇 王應麟曰南陽宛縣申伯國左傳當成周考

南有申呂申公巫臣曰是以為賦以禦北方蓋楚得申呂而始疆茲所以為周室之屏翰與

孔穎達曰申與齊許由太姜得封其後申絕至宣王時

申伯以王舅改封于謝左傳隱八年疏 惠周惕曰宣王封韓侯于方城欲以制北狄

封申伯于南陽欲以控荆蠻

以作爾庸

釋文以作爾墉墩按西京賦薛綜注墉謂城也墉通作庸周制國不能五十里者曰附庸新莽

謂之附城矣

王命召伯

王肅曰召公為司空主繕治正義

錫爾介圭

爾雅注錫爾玠圭

釋器圭大尺二寸謂之玠註引詩

往近王舅

劉燦曰近語詞本作近後人以形類近而致譌耳毛屍正云近說文作近讀與記同玉篇云起今作記詩釋文唐石經作近傳寫之譌臧琳曰起與記同傳訓已者古已記聲同也

申伯番番既入于謝

酈道元曰謝水出謝城北北源微小至城漸大周迴水

側詩所謂申伯番番既入于謝光武封樊重少子丹為

謝陽侯即其國也

水經注

王逸曰徐國名周宣王之舅申伯所封也詩曰申伯番

番既入於徐周衰偃王修行仁義諸侯朝之者三十餘

國而無武備楚文王與兵擊之而滅徐也

楚詞招魂七諫注

以贈申伯

陸德明曰贈送也詩之本皆爾崔集注本作曾增也云

增益申伯之美

釋文 段曰說文曾字亦云益也

烝民

八章

韓詩外傳曰昔周德大衰道廢于厲申伯仲山甫輔相

宣王撥亂世反之正天下畧振宗廟復興申伯仲山甫

乃並順天下匡救邪失喻德教舉遺士海內翕然嚮風

故百姓勃然詠宣王之德

嚴可均曰此及潛夫論皆合崧高烝民二篇統論之

傅咸詩曰吉甫作頌有馥其馨實由樊仲其德克明

藝文

類聚

天生烝民有物有則

韓詩外傳曰言民之德以則天也不知所以則天又烏

得爲君子乎

潛夫論天生蒸民

民之秉彝好是懿德

王符曰詩云民之秉彝好是懿德民之有心也猶爲種  
之有園也遭和氣則秀茂而成實遇水旱則枯槁而生  
蘖民蒙善化則人有士君子之心被惡政則人有恒奸

亂之慮

潛夫論

文選注好是毅德

保茲天子生仲山甫

董仲舒曰周道衰于幽厲至於宣王思昔先王之德興  
滯補弊明文武之功業周道粲然復興詩人美之而作  
上天祐之爲生賢助後世稱誦至今不絕此夙夜不懈



行善之所致也

漢書本傳

古訓是式

列女傳故訓是式

鮑母篇 按此魯詩字箋云故訓先王之遺典即用魯義也

纘戎祖考

劉帝臣曰權德輿有云魯獻公仲子曰仲山甫人輔于周食采于樊則是纘戎祖考謂周公及獻公也 敬按元和姓纂周太王子虞仲支孫為周卿士食采于樊因命氏今河南陽樊是也周有樊穆仲字山甫與國語不同

白帖纂戎祖考

王之喉舌

百官表曰尚書令總攝諸曹出納王命敷奏萬機詩云

惟仲山甫王之喉舌蓋謂此也

藝文類聚四十八

肅肅王命

後漢書赫赫王命

郎顛傳

獨孤及文曰肅者威德克就之名詩云曷不肅雍又曰肅肅王命肅嚴也敬也忠之屬天地不肅則歲不成宗廟不肅則禮不立軍旅不肅則人不服肅之時

義大矣哉

文粹四十一

既明且哲以保其身

徐幹曰大雅貴既明且哲以保其身者夫明哲之士成而不憚困而能通決嫌定疑辨物居方見變事則達其機得經事則循其常此諸志行之士不亦愈乎

中論

夙夜匪解以事一人

董仲舒曰彊勉學問則聞見博而知益明彊勉行道則德日起而大有功詩曰夙夜匪解書云茂哉茂哉皆彊

勉之謂也漢書本傳

左傳昭公三年秦伯伐晉遂霸西戎用孟明也君子是以知孟明之臣也其不解也能懼思也詩云云子明有焉

續漢記曰陰識拜特進極言正議至與賓客語不及國事常慕仲山甫夙夜匪解藝文類聚二十

柔亦不如剛亦不吐

顏師古曰言其平正也漢書薛宣傳注

韓詩外傳曰君子崇人之德揚人之善非道諛也正言直行指人之過非指毀也訕柔順從剛強與物周流道德不外詩云云

不侮矜寡不畏疆禦

杜預曰侮陵也

左傳注

漢書不畏強圉

王莽傳

顏注強梁圍捍也

國策高注不辟強禦

左傳昭公元年楚右尹子干出奔晉叔向使與秦公

子同食趙文子曰秦公子富叔向曰底祿以德德鈞

以年年同以尊公子以國不聞以富且夫以千乘去

其國疆禦以甚詩曰不侮鰥寡不畏疆禦秦楚匹也

使后子與子干齒

德輔如毛民鮮克舉之

董仲舒曰言其易也

春秋繁露引詩

曹昭曰輔輕也德輕而易行也

文選幽通賦注引詩

表記子曰仁之為器重其為道遠舉者莫能勝也行者



莫能致也取數多者仁也中心安仁者天下一人而已矣大雅云云

韓詩外傳至精而妙乎天地之間者德也非聖人其孰能與于斯詩云云

衮職有闕維仲山甫補之

杜預曰闕過也言服衮者有過則仲山甫能補之左傳

玃按宣王欲立魯戲仲山甫諫之宣王料民大原仲山甫諫之詩所謂補衮之闕蓋實有所指矣黃震曰王制三公一命衮若有加則賜也此言衮者人臣之極常缺之而不服惟仲山甫加賜而得之是常時所缺而今則補之也

左傳士季曰詩云云能補過也君能補過衮不廢矣

宣公二年

征夫捷捷

玉篇曰征夫健健樂事也

四牡彭彭

說文四牡騶騶

王王赫曰騶馬盛也據此則北山大明四牡韓奕牡馬各彭彭字皆當作騶騶

又曰四牡騶騶

仲山甫徂齊 仲山甫永懷

爾雅釋詁齊疾也 郭註仲山甫徂齊

義疏郭以齊為疾蓋本三家說

杜欽曰仲山甫異姓之臣無親于宣就封於齊猶歎永

懷宿夜徘徊不忍遠去

漢書本傳

鄧展曰詩言仲山甫銜命往治齊城郭而韓詩以為封

于齊也 杜欽傳注 嚴虞惇曰齊至胡公都薄姑其子獻公徙臨淄當周夷王時豈至是始備城郭之

制

隸釋漢孟補脩堯廟碑曰仲氏所自出本姬周之遺苗

天生仲山甫翼佐中興遂受封于齊周道衰微失傳亡

政齊堂經解 詩經廣詁 大雅 高之什

邦後嗣乖散居于成陽因氏仲焉宋縣初曰此蓋韓杜之說

晉書謝氏道韞將軍奕之女也叔父安常問毛詩何句為佳荅曰吉甫作頌穆如清風仲山甫永懷以慰其心安謂其雅人

深致世說同

韓奕六章

王符曰周宣王有韓侯其國也晉夫論

奕奕梁山

薛君章句曰奕奕盛貌文選注

許慎曰奕奕大也說文引詩

楊士勛曰梁山韓國之鎮穀梁成公五年疏引詩

漢地志注曰梁山在夏陽西北詩奕奕梁山晉國所望

大梁別小梁之號俱在韓城縣界

維禹甸之

韓詩惟禹

敝之

周禮稱人生引疏云韓詩

有倬其道

韓詩曰有倬其道暉明也

釋文

韓侯受命

韓詩內傳曰諸侯世子三年喪畢上受爵命于天子乃

歸即位明爵為天子有也臣無自爵之義所以名為世

子欲其世世不絕也

白虎通並曲禮疏王四年王命厥父如韓韓侯來朝

竹書紀年宣

幹不庭方

韓詩章句曰幹正也謂以其議非而正之

文選西京賦注

王錫韓侯

韓詩曰諸侯有德天子錫之

北堂書鈔三十

周禮注王賜韓侯



元衮赤舄

鄭康成曰為有三等赤舄為上冕服之舄

周官注引詩

皆元上纁下面畫以衮龍赤舄象衮故也

疏曰冕服

公衮衣繡裳韓侯元衣繡裳而後履赤舄即九錫之賜

履也

鉤膺鏤錫

說文曰鉤膺鏤錫馬頭飾也一曰鏤車輪鐵也

傳元曰元衮赤舄鉤膺鏤錫敬其文也有嚴有翼共武

之服詠其武也

本集服論

鞞鞞淺幘

釋文鞞鞞淺幘

玉篇鞞鞞中鞞也鞞鞞同鞞儀禮禮記作辟周禮鄭註鞞覆笄也帶本字鞞顏

字借

韓侯出祖

應劭曰禮傳共工之子曰脩好遠遊故祀以為祖神祖

者祖也風俗通引詩

顯父餞之

藝文類聚顯甫餞之

維筍及蒲

說文惟葦及蒲按荀傳謂竹萌然後世蘆葦之萌亦謂之筍說文作葦者謂葦萌也

諸娣從之祁祁如雲

班固曰姪娣從之祁祁如雲姪者兄之子娣者女弟也

姪娣從嫡者人君無再娶之義也備姪娣從者為其必

不相妬嫉也白虎通義

范甯曰姪娣年十五以上能共事君子可以往二十而

御娣必少於嫡知未二十而往也穀梁隱公七年傳注引詩

卷之三  
蹶父孔武靡國不到

易林大夫祈父無地不涉為吾相土莫如韓樂可以居

止長安富有井之需 璩按易林兩用詩詞皆易蹶作祈豈蹶父即為宣王司馬之祈父歟司馬

掌征伐孔武故宜其官矣

為韓姑相攸莫如韓樂

杜預曰為女相所居也左傳注

左傳成公九年季文子如宋致女復命公享之賦韓

奕之五章穆姜出于房再拜曰大夫勤辱不忘先君

以及嗣君施及未亡人先君猶有望也敢拜大夫之

重勤

川澤訏訏

白帖川澤澹澹五

魴鱖甫甫麀鹿嘯嘯

小爾雅曰魴鱖甫語其大也麀鹿慶慶語其衆也

溥彼韓城燕師所完

酈道元曰聖水又東逕韓城東詩韓奕章曰溥彼韓城

燕師所完王肅曰今涿郡方城縣有韓侯城世謂寒號

城也

水經注聖水

城按以此篇首言梁山故兩漢志以在同州之韓城當之而未章言追貊北國則宜

為涿郡之韓城矣同之距涿殆二千里不得併為一談豈韓先封之國在同州為晉所併今所來朝之韓侯乃改封于近燕之涿郡耶又按賈逵左傳注南燕姑姓詩云韓姑則蹶父為姑姓蓋南燕之後入為王卿士者燕師城韓先祖時事因此日之婚媾述舊時之邦交也

郡國志曰同州韓城即韓原也詩所謂韓侯受命是此

地春秋時秦擒晉惠公處也

御覽百九十二

王肅曰燕北燕國

困學紀聞三

竹書紀年成王十一年王師燕師城韓王錫韓侯命孫



之縣曰成王時命韓侯為侯伯後為晉所滅按此同州之韓也顧炎武曰水經注濕水逕良鄉縣之北界歷梁山南高梁水出焉是所謂奕奕梁山也魏地形志范陽方城縣有韓侯城今固安縣有方城村即漢縣也當以水經注為定閻若璩曰讀入覲句知韓遠與北燕為鄰不在畿內矣江永曰水經注鮑邱水過潞縣逕梁山南潞縣今之通州則燕固有梁山矣

因時百蠻

李賢曰百言衆多也獨言蠻通四夷

後漢書明帝紀注攷按此謂韓之

先祖受命封韓因是有平服百蠻之功如來威之方叔也

獻其貔皮

許慎曰貔豹屬

說文引詩

考文獻其貔皮

江漢

六章

後漢書注吉甫美宣王也

伏湛傳

江漢浮浮

風俗通江漢陶陶

蘇轍曰自周而南出于江漢之間召公率兵循江而下也

南夷之近于淮者皆謂之淮夷此由江漢而伐淮夷蓋

淮西之夷也自此而東及于徐方後常武日率彼淮浦

省此徐土曹粹中曰先伐淮夷次征徐國蓋二篇皆一時事矣

武夫滔滔

侯包曰滔滔衆至大貌

正義

淮夷來鋪

方言鋪止也戴震曰此蓋釋詩淮夷來鋪之義言為淮夷之故來止于此與上匪安匪遊淮夷來求文意適合舊韻鋪為痛訓病失于迂曲矣

武夫洸洸

鹽鐵論武夫橫橫

文苑武夫橫橫

玠按釋訓起起恍恍武也則此詩洸

洸字又作恍矣

故齊宣經解

詩經廣註

大雅 蕩之什

七

式辟四方

韓詩曰辟除也

衆經音義

召公維翰

班固曰召公文王子也禮服傳曰子得為父臣者不遺

善之義也

白虎通義引詩

肇敏戎公

韓詩曰肇長也

釋文

後漢書肇敏戎功

釐爾圭瓚秬鬯一卣告于文人錫山土田

韓詩外傳曰諸侯之有德天子錫之一錫車馬再錫衣

服三錫虎賁四錫樂器五錫納陛六錫朱戶七錫弓矢

八錫圭瓚九錫秬鬯

秦憲田曰諸侯未賜圭瓚者不得為鬯白虎通云天子鬯諸侯薰六

夫芑蘭土兼庶人艾王制云諸侯賜圭瓚然後爲鬯故  
釐圭瓚必兼以秬鬯程泰之曰書用賚爾秬鬯一  
左傳王錫晉侯秬鬯一而煮之和以秬黍之酒使之芬芳條鬯  
亦謂之鬯

### 自召祖命

韓詩曰予小子使爾繼召公之後受命者必以其祖命

之外傳

矢其文德洽此四國

禮記孔子閒居曰三代之王也必先其令聞詩云明明

天子令聞不已三代之德也弛其文德協此四國大王

之德也

鄭註弛施也協和也

按傳訓同施是毛本亦作弛也

晉張載平吳頌曰大上成功非頌不顯情動于中非

言不彰獫狁既攘出車以興淮夷既平江漢用作斯



故先典之明志不刊之美事藝文類聚五十九

常武六章

庚蒐曰宣王命召穆公征淮夷之詩晉書本傳

王命卿士南仲太祖

班固曰王制爵人于朝與衆共之古者人君爵有德必

于太祖詩云云白虎通

命程伯休父

楚語觀射父曰堯育重黎之後至于夏商世敘天地而別其分主其在周程伯休父其後也當宣王時失其官

守而為司馬氏馬永卿曰伯休父者其字也王應麟

之風徐文端曰竹書殷文丁時周作程邑帝辛時周

自程遷鄭宣王以休父為司馬食采于程韋氏以伯為

爵者謂程為畿內之國也

王符曰顓頊命南正重司天以屬神命火正黎司地以

屬民堯繼重黎之後義伯復治之故重黎氏世序天地

別其分主以歷三代而封于程其在周世為宣王大司

馬

潛夫論氏姓篇

高誘淮南子註曰司馬劇黃其先

也

程伯休父宣王命以為司馬因為司馬氏劇黃其後

韋昭曰程國名伯爵休父名也以諸侯為大司馬

國語注引

詩

如震如怒

釋文而震而怒

感珠曰經本作而箋甚分明

闕如虓虎

風俗通闕如哮虎

爾雅義疏虓說文一曰獅子詩蓋以獅子與虎狀其威猛也

鋪敦淮濱仍執醜虜

韓詩曰敷敦淮墳敷大也敦迫也

釋文 按敦箋云當作屯韓訓迫與邶北

門

說文曰敦彼淮濱濱水厓也

李賢曰敷布也仍因也醜衆也言布兵淮水之涯因執

得衆虜

後漢書馮緄傳引詩注

釋文(扔執醜虜)

按爾雅仍乃也又因也字林扔就也今傳訓就字宜作扔也

緜縣翼翼

韓詩曰民民翼翼民民靚也

釋文 按韓家緜字皆作民此與載芟詩同也

王猶允塞徐方既來

劉安曰言道正大而遠方懷之也

漢書淮南王本傳

嚴助曰言王道甚大而遠方懷之也

漢書本傳

顏師古曰猶道也塞滿也既盡也

漢書引詩注

漢書徐方既徠

林之奇曰吳楚僭強于西周衰微之日徐淮僭強于西周鼎盛之時

荀子曰政令以定風俗以一所存者神所為者化暴

悍勇力之屬為之化而愿旁辟曲私之屬為之化而

公矜糾收繚之屬為之化而調夫是之謂大化至一

詩云云

議兵篇

韓詩外傳曰禮義節奏齊乎朝法則度量正乎官忠

信愛利平乎下上一心三軍同力名聲足以薰炙

之威強足以齊一之則拱揖指麾而強暴之國莫不

趨使如赤子歸慈母也故詩曰王猷允塞徐方既來

### 徐方既同天子之功

詩義折中曰徐為伯益之後而淪于夷一叛于三監流

言之時一叛于伯禽就封之日穆王失馭遂爾僭號宣

王中興北逐獫狁西靖西戎南伐蠻荆由是通江

漢以伐淮夷循淮浦以征徐方其經營非一日矣



荀子曰君子賢而能容罷智而能容愚博而能容淺粹而能容雜夫是之謂兼術詩云云

徐方不回王曰還歸

庚勇曰古者三公坐而論道不以方任巽之為周室大

壞宣王中興四夷交侵救急朝夕然後命召穆公征淮

夷詩云徐方不回王曰還歸宰相不得久在外也晉書本傳

璩按孔疏曰王肅述毛以為王不親行王基述鄭以為王自親行今如庾氏之義仍為召公往征與江漢篇為一事矣

瞻印 七章

顏師古曰幽王以恣婦為美也漢書谷永傳注

彼宜有罪女覆說之

王符曰先王之制刑法也非好傷人肌膚斷人壽命者

也乃以威姦懲惡除民害也天下本以民不能相治故  
爲立王者以統治之在于奉天威命共行賞罰故詩刺  
彼宜有罪汝反脫之後漢書本傳  
哲夫成城哲婦傾城

晏子春秋翟王子諛爲重駕嬖人嬰子說之爲請厚祿  
公許之晏子曰賢良廢滅孤寡不振而嬖妾以祿御夫  
以蓄怨與民爲讎之道也詩曰哲夫成城哲婦傾城君  
不思成城之求而惟傾城是務國之亡日至矣內諫篇

懿厥哲婦

漢書懿厥哲婦谷永傳

婦有長舌維厲之階

大戴禮曰婦有七去多言去多言爲其離親也盧註詩

云婦為長舌惟厲之階本命

鞠人伎忒

說文曰籟人伎忒伎與也 廣韻曰伎傷害也引詩作伎

伊胡為慝

韓詩曰伊胡為嫫嫫悅也文選神女賦注 嫫按韓訓 義同 麗嫫言其為不善豈不

已極胡尚 狎悅之也

婦無公事休其蠶織

列女傳曰言婦人以織績為公事者也休之非禮也魯故

善 篇

白帖婦無功事按此引詩當為韓義周官 典婦功有職即蠶織之事也

舍爾介狄

說文舍爾介逃按此與傳義合或傳 本作逃箋改作狄也

人之云亡邦國殄瘁

左傳聲子曰善為國者賞不僭而刑不濫賞僭則懼及

淫人刑濫則懼及善人無善人則國從之詩云云無善

人之謂也

襄公二十六年

漢書邦國殄頽

王念孫曰殄亦病也殄瘁猶勞瘁同為病也

後漢書太傅陳蕃大將軍竇武為閹人所害林宗哭

之子野慟既而歎曰人之云亡邦國殄瘁瞻烏爰止

不知于誰之屋耳

郭泰傳

人之云亡心之憂矣

左傳宋樂祁曰魯君必出政在季氏三世矣魯君喪政

四公矣無民而能逞其志者未之有也詩云云

昭公二十五年

聲沸檻泉



說文曰墨沸濫泉濫汜也一日濡上及下也胡文英曰爾雅濫泉

正山正出涌出也許三家詩毛借作檻也

寧自今矣

列女傳寧自全矣

王氏曰今誤為全嚴母事言其子不能免於戮已猶得

無忝皇祖式救爾後

列女傳母忝爾祖式救爾訛范氏母篇

召閔七章

惠氏詩說風始周召造周者二公也風終周公雅終召公二公不作周不可為也

瘠我饑饉我屈匡卒荒

韓詩外傳曰一穀不升謂之歉二穀不升謂之饑三穀

不升謂之饑四穀不生謂之荒五穀不升謂之大稔

皐皐訛訛

爾雅釋訓皐皐刺素食也訛訛莫供職也

我位孔貶

衆經音義曰貶損也減也引詩

如彼歲旱草不潰茂

韓詩外傳曰如歲之旱天淳然興雲沛然下雨即萬物

無不興起之者詩云如彼歲旱莫不潰茂箋云潰當作彙

如彼棲苴

一切經音義如彼棲柎

不云白頻

列女傳不云自濱傳曰君子謂趙昭儀之凶嬖與褒姒

云池之竭矣不云自濱泉之竭矣不云自中成帝之時

文齊字之經年詩經廣詁 大雅 之什 三三

魯義箋云外無賢臣內無賢妃本此為訓也

昔先王受命

關離章正義曰六字者昔者先王受命之類也詩攷亦引正義作六字句

日辟國百里

韓詩章句曰辟除也

文選上林賦注

蕩之什十一篇九十二章

早莫不肖效

賦效早草不肖效

果錄音義曰

好辭其張

詩雅歌

是亦編焉之類也